

পরদেশী ।

[গীতিনাট্য]

(মনোমোহন গিরেটারে অভিনীত

প্রথম অভিনয়-রজনী

১৯শে মাঘ,—১৩২৮ সাল ।

—:~:—

শ্রীপাঁচকড়ি চট্টোপাধ্যায়

প্রণীত ।

❦ ❦ ❦ ❦ ❦

চতুর্থ সংস্করণ ।

❦ ❦ ❦ ❦ ❦

প্রকাশক—শ্রীনিবারণচন্দ্র ভট্টাচার্য্য,

সারস্বত লাইব্রেরী—

১৯৫২, কর্ণওয়ালিস্ স্ট্রীট—কলিকাতা ।

—

১৩৩০ সাল ।

ভূমিকা ।

মাননীয় শ্রীযুক্ত সুরেন্দ্রনাথ ঘোষ, সুহৃৎ শ্রীযুক্ত অবিলাসচন্দ্র গঙ্গোপাধ্যায়, প্রীতিভাজন শ্রীযুক্ত চারুচন্দ্র বসু, নৃত্যশিক্ষক ও বন্ধুবর শ্রীযুক্ত সাতকড়ি গঙ্গোপাধ্যায় মহাশয়গণের একান্ত যত্নেই আজ “পরদেশী” মনোমোহনে “ঘরবাসী” এবং তাঁহাদিগকে আমার আন্তরিক কৃতজ্ঞতা জানাইবার জন্তই এই ভূমিকা ।

বাণীর যে একনিষ্ঠ সাধক, ৬পাশ্চাত্য সরকার আমার এই ক্ষুদ্র নাটকের সঙ্গীতগুলিতে মনোমুগ্ধকর সুরলয় সংযোগ করিয়াছেন, কিন্তু হুর্ভাগ্যবশতঃ নিরতি-নিয়মে আজ স্বর্গগত, তাঁর পবিত্র আত্মার উদ্দেশে আমার আন্তরিক কৃতজ্ঞতা জানাইতেছি । অলমতিবিস্তরেণ ।

শ্রদ্ধাঙ্কন ।

— ০ —

B1140



উৎসর্গ

ভূষণাধিপতি, প্রজাপালক, সাহিত্যানুরাগী

শ্রীযুক্ত গিরীন্দ্রমোহন রায় চৌধুরী

প্রতিপালকে—

শ্রীপাচকড়ি চট্টোপাধ্যায় ।

চরিত্র ।

পুরুষ ।

সোলেমান	তুরস্ক সম্রাট ।
নোয়াজেস (পরদেশী)	পারস্ত-সম্রাট-পুত্র ।
ফয়নাশা	ঐ অনুচর ।
মোবারিক	ওমরাহ পুত্র ।
গফুর	ঐ অনুচর ।

যাঝি, উত্থানরক্ষক, ঘাতক, হকিম, হরবোলা, অন্তান্ত সও,
রোগিগণ, গ্রহরিগণ ইত্যাদি ।

স্ত্রী ।

সেরিণা	তুরস্ক সম্রাটের জ্যেষ্ঠা কন্যা ।
জেরিণা	ঐ কনিষ্ঠা কন্যা ।
সানিয়া	.	.	সেরিণার বাদী ।
সাখিয়া	জেরিণার বাদী ।

বাদীগণ, রজিগণ ইত্যাদি ।

পারদেশী ।

প্রথম অঙ্ক ।

প্রথম দৃশ্য ।

নদী-তীরস্থ প্রাসাদ-সংলগ্ন উদ্যান ।

[জেরিণার গীত ।]

কুসুম সুন্দরী সখি, কারে তুমি বাস ভাল ।
কাহারে খুঁজিছ তুমি, কে গো হৃদয় আলো ॥

চেয়ে চেয়ে চেয়ে, পলক পড়ে না,
কার ছবিখানি দেখিছ বলনা,
আমিও ললনা, ক'রনা ছলনা,
মোর কাছে প্রাণ খোল ॥

জেরিণা । আজ কি যেন একটা অজানা আনন্দে হৃদয় উথলে উঠছে । আজ বসন্ত উৎসব ব'লে কি এমন হ'চ্ছে ? না, বসন্ত উৎসব ত প্রতিবৎসরই হয়, কখন'ত এমন হয় না । তবে এবার ঘটটা একটু বেশী, তাতে কি এসে যার ? কাণে কাণে কে যেন ব'লছে, আজ তুই

তোর কোন প্রিয়জনকে দেখতে পাবি। আমার ত সকল প্রিয়জনই এখানে বর্তমান। আবার নূতন কাকে দেখব? দূর হোকগে ছাই, একবার মেলার দিকটার যাই। সেখানটা কেমন সাজিয়েছে দেখিগে।

[প্রস্থান।

(সাখিয়ার প্রবেশ)

সাখিয়া। বৎসরের মধ্যে একটা দিন বসন্ত উৎসব, রাজ্যময় আনন্দের ছড়াছড়ি; কত রং বেরংয়ের ডামাসা, ভেঙ্কি, ভোজবাজী—কত কি হ'চ্ছে, সবাই আহ্লাদ-আমোদ ক'চ্ছে।

(সানিয়ার প্রবেশ)

সানি। কি রে সাখি, তুই একা এখানে?

সাখি। এই তোর আসার অপেক্ষা ক'ছি; কত রং বেরংয়ের রগড় গড়িয়ে যাচ্ছে, আমি একা ব'লে ভোগ ক'রে সুখ পাচ্ছিনে; এখন তুই এলি, অনেকটা ভরসা হল'। তা তুই একা যে? সাজাদী কোথায়?

সানি। তুই একা যে? সাজাদী কোথায়?

সাখি। সাজাদী এতক্ষণ মেলার গিরে বাদর নাচ দেখছেন।

সানি। আর আমার সাজাদী কুম্ভো গড়াগড়ি দেখছেন।

সাখি। কুম্ভো গড়াগড়ি কি?

সানি। দুটো বিটকেল জোরাম প্রথমটা খুব ভাল ঠুকে আফালন ক'রে, তার পর কুম্ভোর মত গড়া'চ্ছে।

সাখি। ও! কুস্তি বুঝি,—হ্যাঁরে এবারে নাকি নূতন রকমের সড় হ'য়েছে?

সানি। হ'য়েছে বৈকি, এবারে আর সুখোম্পরা নয়।

সাখি। কবে?

সানি । এলেই দেখবি, আমি আগে থেকে ভাব্‌চিনি । এখন দেখ
ঐ হুবোলা আসছে ।

[হুবোলার প্রবেশ ও গীত]

আমি সাগর-পারের হুবোলা ।

যদি শূন্যে চাও কেউ, পয়সা ছাড়,

আমি ক'রো নাকো ছেলে-খেলা ॥

“কুহ কুহ” ডাকি আমি কাল কোকিলটে;

“বউ কথা কও” ডাকতে পারি, সে বড় মিঠে ;

“বক্বকুম্ কুম্” পায়রা ডাকি, কিচির-মিচির চড়াই পাখী,

“কোকোর কোকে” জলে ভরাই বাবুদের নোলা ॥

যদি শূন্যে চাও গো কেউ—

আমি কুত্তা হ'য়ে কৰ্ত্তে পারি, “কেউ কেউ ঘেউ ঘেউ—”

আবার হু' বেড়ালের লড়াইয়েতে কাণ করি কালা-পালা ॥

কখন' হই দিঙ্গি, ডাকি বাঘা-সিঙ্গি,

আবার শেয়াল হ'য়ে “হ্যা হ্যা” ডাকি সন্ধ্যাবেলা ॥

(প্রস্থান ।

(সেরিণা ও জেরিণার প্রবেশ)

সাধি । এবারে বসন্ত উৎসব দেখছি খুব জনকাল হ'য়েছে, জান
হ'রে অবধি এমন ধারা দেখিনি ।

জেরিণা । ইয়ারে সাধি, সঙের দল চ'লে গেছে ?

সাধি । এখনও এদিকে আসেনি—আজ সাজাদী, গফুরের কাণ্ড দেখে
আর হেসে বাঁচিনি !

জেরিণা । কেন, সে কি ক'রেছে ?

সাথি । সে এক কিছুত কিমাকার চেহারা ক'রে এসে নাছিল :
সানি তাই না দেখে একেবারে আঙুন, “দূর দূর” ক'রে তাড়িয়ে দিলে—
আমরা ত হেসেই অস্থির ।

সেরিণা । সানিয়া, গফুর অতি সং ।

সানি । কেন, মোবারিকও ত অতি মহৎ, তবে তুমি তাকে অমন
কর কেন ?

সেরিণা । মোবারিক প্রণয়ী হওয়া সম্ভব হ'লেও সে ভাষাজ্ঞানহীন
মুখ—সম্রাট-নন্দিনীর একেবারে অল্পযুক্ত । কিন্তু তুই কি দোষে
গফুরকে ভালবাসিসনি সানি ?

সানি । ঠিক ঐ দোষে, বান্দা হ'য়ে গুরুকু কথা কইতে জানে না ।

সেরিণা । তুই নিজে যেমন মুখিণী, সেও তদ্রূপ ।

জেরিণা । সেরিণা, আমি মধ্যস্থ হ'য়ে দুজনকেই বলি,—তোমাদের
বড় অজ্ঞায় । এত ভালবাসার প্রতিদান কি একটুও নেই ? বিশেষ
সেরিণার যেন সব বাড়াবাড়ি । ব্যাকরণের জমিতে যে প্রেমের অঙ্কুর
গজায়, তা এই তোমাতেই দেখছি ।

সেরিণা । কি কুরুচিপূর্ণ বাক্য বিন্যাস ! জেরিণা, বিশ্বস্ত হ'রো না,
তুমি সম্রাট-নন্দিনী !

জেরিণা । প্রতি বৎসর উৎসব হয় বটে, কিন্তু আজ যেমন আনন্দ
হ'চ্ছে, বোধ হয় জীবনে কখনও এত আনন্দ উপভোগ ক'র্ন্তে পারিনি,
কিন্তু তোমার এই ব্যাকরণেই সব ঘোলা হ'য়ে যাচ্ছে । ও কি, নদীতে,
কি একটা ভেসে আসছে, নয় ?

(জেরিণা ও সাথিয়ার অঙ্গসর হ'ওন)

সাথি । ওটা বে মাছ !

সেরিণা । (অঙ্গসর হ'ইয়া) জীবিত না মৃত ?

সাধি । ঐ যে ন'ড়েছে !

জেরিণা । চেউয়ে ভেসে এই দিকে জা'স্ছে ।

সেরিণা । উত্তোলনের কি কোন পস্থা নেই ?

জেরিণা । দেখ্ছি, জায় সাধি ।

সাধি । তাইতো, কি ক'না যায় । সাজাদা, কে এঁকে তুলবে ?

জেরিণা । আমাদের কি কোন যোগাতা নেই ?

সেরিণা । এই মৃতপ্রায় ব্যক্তিকে উদ্ধার ক'রতে কি কেউ সাহায্য ক'র্বে না ?

(মোবারিকের প্রবেশ)

মোবা । ক'র্বে না কেন সেরিণা, তোমার জন্ত যাতে প্রাণ দেবার প্রয়োজন, সে কাজ ক'র্বে মোবারিকই সর্ব প্রথম ছুটে আ'সবে ।

(জলে বাষ্প প্রদান ও নোয়াজেস্কে উত্তোলন)

সেরিণা । (স্বগত) কি রূপবান্ !

জেরিণা । (স্বগত) কি সুন্দর !

মোবা । মরেনি- -

সেরিণা । (নোয়াজেসের সংজ্ঞাশূন্য দেহ পরীক্ষাকালে পারশু-সম্রাটের মোহরান্বিত মণি-মুক্তা খচিত সুবর্ণপদক পাইয়া তাহা অস্ত্রের অলক্ষ্যে স্বকীয় বস্ত্রাভ্যন্তরে লুক্কায়িত করণান্তর) (স্বগত) পদকে দেখছি পারশু-সম্রাট-পুত্রের নাম ! তবে কি এই ব্যক্তি পারশু-সম্রাট পুত্র ! নিশ্চয়ই তাই । নচেৎ এত সৌন্দর্য্য অস্ত্রে কখনও সম্ভবে না । উপস্থিত এ পদকের বিষয় গোপন রাখতে হবে । কারণ -না, থাক্, প্রথম হ'তে অস্ত্রের সন্দেহ মনে স্থান দেওয়া উচিত নয় ।

জেরিণা । নিরে চল, আর দেয়ী ক'রো না ।

[নোয়াজেস্কে লইয়া মোবারিক, জেরিণা ও সেরিণার প্রস্থান]

সাধি । সানি, অবাক হ'য়ে কি দেখ'ছিস ?

সানি । বুঝি বাধলো—

সাধি । কি বাধলো ?

সানি । কিছু একটা,—ঐ সঙ আসছে, সাহাজাদীদের নসীবে আর দেখা ঘ'টলো না ।

সাধি । হা হা হা ! সত্যই যে এবারে নূতন !

[গান করিতে করিতে পুরুষবেশে সজ্জিত বাদীগণ এবং
নারীবেশে সজ্জিত বান্দাগণের প্রবেশ ও গীত]

বাদী । আমরা পুরুষ সেজেছি ।

বান্দা । আমরা নারী বনেছি ।

উভয়ে । যিঞা বিবি সাধের জুটি হাওয়া খেতে চলেছি ॥

বান্দা । এমি মোরা ছলিয়ে বেধী হানুবো নয়ন বাণ,

বাদী । এমি ধারা বাকা টেরী, ছ'আজুলে যুরবে ছড়ি,

চ'লবো এমি হেলে ছলে, গারে দে আচ্‌কান ।

উভয়ে । যিঞা বিবির আদব-কারদা ক'রে শিখেছি ॥

বান্দা । মন মাতান মূছ হাসি, পুরুষের গলার ক'সি,

বাদী । কানাচ হ'তে শিব দিয়ে দিয়ে মন মজাতে শিখেছি ॥

বান্দা । আমীর ওমরাও নবাব বাদশা ক'রবো সাদীমেখে থামা,

বাদী । আমরাও ত নইকো চাবা, বেগম খুঁজতে চলেছি ॥

বান্দা । মোরা কর্কো এমনি মান, তার উড়ে যাবে প্রাণ,

কর্কে সে আনুচান ;

বাদী । কথায় কথায় মেজাজ গরম, রাখবো সদা নরকো মরম,

পান থেকে চূণ খুলে বিবির, হম্বকি দিতে শিখেছি ।

উভয়ে । যিঞা বিবির প্রেমের লড়াই আখড়া দিয়ে সেখেছি ॥

সানি । তোরা যে একেবারে পুরুষ হ'য়েছিস্ ।

সাধি । আর মিলেগুলো মাগী ! ফি বছর মুখোস্, এবার একটু নূতন ! তোরা এখন যেন আর এক দেশের মানুষ হয়েছিস্ !

বাঁদী । সত্যি, আমরা যেন তাই হ'য়ে গেছি ।

সানি । দেখ সাধি, আবার একটা কি ভেসে আসছে !

সাধি । মানুষ ! আজ দেখছি ভাসার পালা । ঐ যে ন'ড়চে ! আর, ওড়না ফেলে দি, যদি ধ'রতে পারে, সবাই মিলে টেনে তুলবো ।

(তদ্রূপ করণানন্তর কয়নাশাকে উদ্ভোলন)

সানি । (স্বগত) কি রূপ !

সাধি । (স্বগত) এমন রূপ ত কখনও দেখিনি !

কয় । কে বাবা তোমরা ?

সানি । দেখচোনা—এই গৌফ !

কয় । ও বাবা, মেয়ে মানুষের গৌফ !

সাধি । বুঝলে ? অর্থাৎ মানুষো ! দেখে বুঝ্‌চোনা, মেয়েমানুষের কি এমন গৌফ গজার ?

সানি । পুরুষের কি এমন ননীর দেহ হয় ?

কয় । না

১ম বাঁদী । পুরুষ কি এত ছোট হয় ?

কয় । খুব কম ; গৌফ ! ও বাবা—তাইত !

সানি । আবার এ গৌফের বিশেষত্ব এইটুকু, এ বারোমাস থাকে না ।

কয় । বল কি ?

সানি । তবে আর মানুষের সঙ্গে প্রভেদ কি ? বসন্তকালে শুধু একটা দিনের জন্য এই নূতনত্ব দেখা দেয় ।

ফয় । বটে ! (স্বগত) মাম্দো তু কখন দেখিনি—হয় তো—তবে
কি এটা মাম্দোর দেশ !

সানি । কি বুঝেচো ?

ফয় । ওরে বাবারে—(বেগে প্রস্থান)

সানি । কি বেকুব ! হা—হা—হা—আয় দেখি, কোথায় যার ।

[সকলের প্রস্থান ।

দ্বিতীয় দৃশ্য ।

কক্ষ ।

নোয়াজেস্ ।

নোয়াজেস্ । তাইতো । কোথায় যা'চ্ছিলুম আর কোথায় এলুম ।
পিতার মনোমত কন্ঠাকে সাদী কর্তে চাইনি, পিতা অসন্তুষ্ট হ'য়ে একটা
ক্লান্ত কথা ব'লে ছিলেন ব'লে, অভিমানে গৃহত্যাগ ক'রুম, উত্তাল তরঙ্গ-
ময় বারিদি অতিক্রম ক'রে এসে, শেষে একটা ক্ষুদ্র নদী পার হ'তে
নৌকা জলমগ্ন হ'ল । খোদার মেহেরবাণীতে প্রাণ পেলুম বটে, কিন্তু
মনের মধ্যে কেমন একটা কি হ'য়ে গেল ! ফয়নাশা যে বেঁচেছে এও
একটা সুখের বিষয় ।

(সেরিগার প্রবেশ)

সেরিগা । এখন বেশ সুস্থতা অনুভব ক'চ্ছেন ?

নোয়া । কৃতজ্ঞতা কেমন ক'রে জানাবো—আপনাদের মেহেরবাণীতে
এ প্রাণ কিরে পেয়েছি ।

সেরিগা । (স্বগত) ভাষা সম্পূর্ণ না হলেও অধিকাংশ মার্জিত ।
(প্রকাশ্য) আপনার পরিচর দানে আমার অল্পগৃহীত ক'রবেন কি ?

নোয়া । দেবার মত পরিচয় কিছুই নেই , তবে এইমাত্র ব'লতে পারি, আমি একজন পরদেশী মোসাকের ।

সেরিণা । (স্বগত) এ অশ্লীলতা কুমার্হ । (প্রকাশে) আমার পরিচয় জা'নবার অভিলাষ আছে কি ? আমি তুরস্কাধিপতি সাহানসা সম্রাট সোলেমানের কন্যা—নাম সাহাজাদী সেরিণা । দেখুন, মার্জিত ভাষা প্রয়োগ আমার অভ্যাস ।

নোয়া । (স্বগত) প্রাণের একটা কোণে বেশ একটু অহঙ্কারের কালিব দাগ । (প্রকাশে) বড়ই বাধিত হলুম সাহাজাদি ।

সেরিণা । (স্বগত) নিভুল না হ'লেও ব্যাকরণ-শুদ্ধ ! ভাষায় দোষ-টুকু সৌন্দর্যের আবরণে আবৃত । মোবারিক সম্পূর্ণ নিগুণ । ~~সাহাজাদীর~~ ~~প্রাণের~~ ~~সাহাজাদী~~ ~~কখনও~~ ~~নিগুণ~~ ~~কখনও~~ ~~সম্ভব~~ ~~নয়~~ । (প্রকাশে) আপনার সৌজন্য প্রশংসনীয় । আপনার সংসর্গও মনোরম ।

নোয়া । কিন্তু ব্যাকরণসঙ্গত নয়—আপনি সম্রাট-নন্দিনী, আর আমি একজন অজ্ঞাতকুলশীল মোসাকের ।

সেরিণা । (স্বগত) মধুর ব্যক্তোক্তির সহিত নম্রতার কি মধুর সংমিশ্রণ ! পরদেশীর অন্তরে বাহিরে সৌন্দর্য্য ! (প্রকাশে) আমি সানন্দে স্বীকার ক'রছি, সৃজনের সহিত সৃজনের একরূপ ব্যবহারই শ্রাঘ্য ।

(সানিয়ার প্রবেশ)

সানি । হা—হা—হা—

সেরিণা । কি হয়েছে সানি ?

সানি । হি—হি—হি—

সেরিণা । এমন অসময়ে হাস্তরসের অপব্যবহার করে অশ্লীলতার প্রদর্শন দিস্না—কি হয়েছে বল ?

সানি । হ—হ—হ—

সেরিণা । পুনরায় ? সাহাজাদীর আদেশ — নিবৃত্ত হ—

সানি । হঃ হঃ হঃ—

সেরিণা । অসহ ! সানি, দণ্ডের ভয় রাখিসনি ? হাশ্ব সংবরণ কর, নইলে—

সানি । ক'চ্ছি সাহাজাদী, ক'চ্ছি, সেই লোকটা হা—হা—হা—

সেরিণা । আমার সঙ্গে থেকেও তোন ভাষা মার্জিত হ'ল না—কি পরিতাপ ।

সানি । আপ'শোষ ক'রনা সাহাজাদী— এত কালের অভ্যাস কি ছাড়া যায় ? - তবে চেষ্টা কর্বো'। এখন সেই লোকটার কথা —হা—হা—হা—

সেরিণা । হাশ্ব সংবরণ কর সানি ।

সানি । সম্মুখে যে পাচ্ছিনে সাহাজাদী ; হাসিতে যে প্রাণের ভেতর চিড়িক্ মেরে উঠ'চে,—বাবা লোকটা কি ভীতু !

সেরিণা । কেন ?

সানি । আর কেন, ভয়ে লোকটা বাগানের কুয়োটার দিকের ঝোপটার ভেতর গিয়ে লুকিয়ে ব'সে আছে ! হা—হা—হা—

নোয়া । কোন্ লোকটা ?

সানি । আপনার সেই গোলামটি; আবার কে ! হা—হা—হা—

নোয়া । ভয় কিসের ?

সানি । মাম্দো মাম্দীর ।

নোয়া । ওর একটা তুল সংস্কার হ'য়েছে তার উপর লোকটা ভীত প্রকৃতির । আপনারা ব্যস্ত হবেন না, আমি দেখছি ।

সেরিণা । অগ্রসর হোন, আমিও আপনার অহুগমন কচ্ছি ।

[সকলের প্রস্থান ।

(জেরিণা ও সাখিয়ার প্রবেশ)

জেরিণা । পরদেশী গেলেন কোথায় সাখি ?

সাখি । সাজাদী যে এরই মধ্যে অস্থির ?

[সাখিয়ার গীত ।]

বুঝা হায় লাগানা দিল কিসিসে নতিজা পস্তানা ।

বেগর উস্কো সমনে আপনেকো আপ সতানা ॥

উল্ফতে ভড়পতে ছরে আঁখোমে দরিয়া,

কিসমৎকী খুবই এয়াসি ফুকারি “পিয়া পিয়া,”

আগি কলিজামে, ক্যায়সা জমানা ।

মুস্কুরে ছনিয়া হায় মুস্কিল দিল বহলানা ॥

জেরিণা । সাখি, তুই আমার ঠাট্টা ক’চ্ছিস্ ?

সাখি । তোবা তোবা ! আমি একটা এক পয়সার বাদী—আমি তোমার ঠাট্টা ক’রো !

জেরিণা । তবে ঠেস্ দিয়ে অমন গান গাইলি কেন ?

সাখি । ওমা, ঠেস্ দিলুম কখন গো ! এমন দিকি ফাঁকে দাঁড়িয়ে—

জেরিণা । তুই বড় জালাতন ক’চ্ছিস্ । [প্রস্থান ।]

সাখি । সাজাদী প্রাণের কথা না ভাবলেও তিনি যে পরদেশীর প্রেমে প’ড়েছেন, এটা খুব ঠিক ; কিন্তু আমার আবার হঠাৎ একি হ’ল ! মনিবটির মত গুঁর গোলামটিও কি যাহু জানে ! এই যে গফুর আসছে, ছোড়া সানিকে ভালবাসে, ছোড়া বড় বোকা, একটু নাচাই । (গফুরের প্রবেশ) গফুর, তুই এখানে যে ?

গফুর । এঁ্যা—এঁ্যা; এই এসেছি—এসেছি—বিবি সাহেব কোথায় ?

সাখি । কোন্ বিবিসাহেব ?

গফুর । ঐ যে—সা—সা—সানিয়া বিবি ।

সাপি । ও মা, তাও জানিসনে বুঝি, তার যে শত্রু ব্যামো, বাতাবাতি
বাড়াবাড়ি ।

গফুর । এঁা, বল কি ? ব্যামো !

সাপি । ব্যামোব'লে ব্যামো, মাথার ব্যামো, হকিমে এলে দিয়েছে ।

গফুর । এঁা, বল কি !--তাহ'লে উপায় ?

সাপি । শুধু একটা উপায় আছে, একজন গুণী লোক ব'লেছে, সানির
যদি কেউ ভালবাসার লোক থাকে, আর সে যদি একড়বে একটা
পানকৌড়ী ধু'রে এনে তার বক্ত সানিব মাথায় দিতে পারে, তাহ'লে সানি
ভাল হবে ।

গফুর । ভাল হবে ?

সাপি । গুণীর কথা কি মিথ্যে হবে ?

গফুর । আচ্ছা, তবে দেখি ।

[উভয়ের প্রস্থান ।

তৃতীয় দৃশ্য ।

উত্তানের এক প্রান্তস্থ কূপ-সম্বলিত লতাকুঞ্জ ।

কুঞ্জ-অভ্যন্তরে ফয়নাশা ।

ফয়নাশা । আচ্ছা বিপদে পড়লুম বাবা—এ মামদো মামদীর হাত
থেকে বাঁচবো কেমন ক'রে । খোদা ! নসীবে শেষে এই লিখেছিলো ?
ও বাবা, এই যে একটা মামদো বে !

(উত্তান-রক্ষকের প্রবেশ)

উত্তান-রক্ষক । কে তুমি ?

ফয়নাশা । এমন বোঁপের ভেতর ঘাপটা মেঁরে আছি, তবু নিস্তার নেই
বাবা !

উ-রক্ষক । কে তুমি ?

ফয় । আমি একটা কাছিম বাবা, নদীর জল থেকে উঠে এখানে প'ড়ে একটু হাওয়া খাচ্ছি ।

উ-রক্ষক । অমন মানুষের মত চেহারা কি কখনও কাছিম হয় ?

ফয় । হয় বাবা হয় , কারে প'ড়লে শুধু কাছিম কেন ? কত রকম হয় ।

উ-রক্ষক । কাছিমে কি কথা কয় ?

ফয় । রাজকর দেবার ভয়ে কথা কয়না ; তবে বিপদে প'ড়লে ক'য়ে ফেলে ।

উ-রক্ষক । কাছিমেব কি অমন লম্বা গৌঁফ হয় ?

ফয় । তা বুঝি জাননা ? রমজানের অন্ধকার রাত্রে যে কাছিম জন্মায়, তার গৌঁফ বেবোয় ।

উ-রক্ষক । বেরোয় বুঝি ?

ফয় । দেখে বুঝ্‌ছো না ?

উ-রক্ষক । তুমি কাপ'চো কেন ?

ফয় । জলের জানোয়ার কি না । দূষিত হাওয়া লেগে গেছে ।

উ-রক্ষক । তাহ'লে তুমি ঠিক ব'ল'চো—তুমি কাছিম ?

ফয় । স্থলের জানোয়ারের মত জলের জানোয়ার যিথো কথা বলে না ।

উ-রক্ষক । তাহ'লে, কাছিম ভাই, আমি চল্লুম—

ফয় । যাবে বৈকি, যাও যাও ; আর দেয়ী ক'রনা ।

উ-রক্ষক । হ্যাঁ, এখন নিশ্চিত হ'য়ে চল্লুম, জাননা ত, মনিবের কি কড়া হুকুম, এ বাগানে কোন গুঁপো মানুষের আস'বার যোটি নেই, এলে তার গর্দানা আর আমার গর্দানা অম্‌নি কুচ্ ক'রে কেটে নেবে ।

ফয় । বুঝেছি বুঝেছি, বড় শক্ত হুকুম—এখন স'রে পড় ।

উ-রক্ষ । হ্যাঁ, চল্লুম, চল্লুম— (গমনোত্ত)

(নোয়াজেস, সেরিণা ও সানিয়ার প্রবেশ)

নোয়া । কৈ—কোথায় ?

সানি । ঐ যে, ঐ ঝাঁপটায় ।

নোয়া । (উত্তান বক্ষকের প্রতি) ওখানে একটা লোককে দেখলি ?

উ-রক্ষ । না হুজুর—

নোয়া । কেউ নেই ?

উ-রক্ষ । আছে, একটা কাছিম ।

নোয়া । কাছিম ?

উ-রক্ষ । সে তাই ব'ল্লে ।

নোয়া । কাছিমে কথা কইলে ?

উ-রক্ষ । আমার পেড়াপীড়িতেই কইলে—নইলে রাজকর দেবার

ভয়ে কর না ।

নোয়া । তুই কি ব'ল্ছিস্ ?

উ-রক্ষ । বান্দা মিথ্যা বলেনি ।

সেরিণা । কচ্ছপ ?

উ-রক্ষ । সে কচ্ছপ কি না, তা জানি না ; সে যে কাছিম, তাতে কোন সন্দেহ নেই ।

সানি । দেখাতে পারিস্ ?

উ-রক্ষ । ঐ যে (অগ্রসর হইয়া) কাছিম ভায়া—ও কাছিম ভায়া—

ফয় । (স্বগত) এই সেরেছে—

নোয়া । কয়নাসা—

ফয় । ও বাবা, এম্মে নাম ধ'রে ডাকে রে ! খোদা !

নোয়া । ফয়নাশা, বেরিয়ে আয়—

ফয় । ও বাবা রে ! এইবার গেলুম, আমার যে বেরতে বলে রে ! যখন মানুষ বলে চিনেছে, না বেরলে টেনে বা'র ক'র্বে । বেরই, যা নলীবে আছে, হোক । (বাহিরে আসিয়া কাঁপিতে কাঁপিতে) দোহাই বাবা মাম্দো চাচা, আমার নাম ফয়নাশা নয়, আমি কাছিম বাবা—

নোয়া । (ফয়নাশার হস্ত ধরিয়া) ফয়নাশা—

ফয় । গেছি—গেছি—গেছি, কাছিম ধ'রে কি হবে বাবা, ছেড়ে দাও না, জলের জীব আমি—জলে চ'লে যাচ্ছি ! (কম্পন)

নোয়া । কাঁপ্‌ছিস্ কেন ফয়নাশা, এ যে আমি—

ফয় । সেই বুঝেই তো কাঁপ্‌ছি মাম্দো চাচা—

নোয়া । চোখ খুলে দেখনা—আমি কে ?

ফয় । বাপরে, চোখ বুঁঝেই যা দেখছি, তাই যথেষ্ট । আর দখে মেরোনা বাবা, যা ক'র্কার ক'রে ফেল । (কম্পন)

নোয়া । কাঁপিসনি ফয়নাশা, এই আমি তোকে ছেড়ে দিচ্ছি,—

ফয় । এই ভন্—(দৌড়িয়া পলায়ন)

সেরিণা । কি ভীত-প্রকৃতি !

নোয়া । আহাম্মকের কাণ্ডখানা দেখুন না ।

সেরিণা । অগ্রসর হোন, দেখি কোথায় গমন করে ।

[নোয়াজেস্ ও সেরিণার প্রস্থান ।

সানি । ভয়টাও পুরুষের একটা সৌন্দর্য—বেশ উপভোগ করা যায় ।

[সানিয়ার গীত ।]

নানা গুণ পুরুষ-জাতির ফোঁটাতে রূপের বাহার ।

উচকা কুলবালা মজে দেবী সরনা আর ।

ছড়ারে হাসির রাশি, ক'রে নের চরণ-দাসী,

ভীত করে চিন চুবি, পরায়ে প্রেমের ফাঁসি ;
মুখ হ'য়ে স্তম্ভ তাবে বাবে মন সে অবলার ॥

(এক হস্তে একখানা ছুরিকা ও অপর হস্তে একটি পানকৌড়ী
নইয়া গফুরের প্রবেশ)

গফুর । এই দেখ্ সানি, তোব জন্তে একদৌড়ে নদীতে গিয়ে
একডুবে এই পানকৌড়ীটে ব'রে নিয়ে এসেছি—এখন ব'স, এর রক্ত
তোর মাথায় ঢেলে দিই ।

সানি । মরু মুখপোড়া, কি ব'ল্ছিস্ তুই ?

গফুর । তুই এখনও বুঝ্ছিনি সানি, আমি যে তোর জন্তে ম'রেছি—
তোব ব্যামো শুনে আমি কি থাকতে পারি ?

সানি । আমার ব্যামো কি রে ?

গফুর । তাই যদি বুঝ্ছিনি, তাহ'লে আব লোকে মাথায় ব্যামো
ব'ল্বে কেন ? মাথায় ব্যামো কি নিজে বোঝা যায়—উপসর্গ দেখে পাঁচ
জনে ধ'রে ফেলে ।

সানি । তুই কি ব'ল্ছিস্ ?

গফুর । ওই ওটাও একটা উপসর্গ, লোকে কিছু ব'ল্লে বোঝা
যায় না । নে এখন ব'স—

সানি ! তুই হ মুখপোড়া—

গফুর । ওষুধ মাথায় দে সানি, নইলে আমি জীবহত্যে হবো—

সানি । আমার ব্যামো তোকে কে ব'ল্লে ?

গফুর । সে কথা ব'ল্তে ব্যরণ ক'রেছে—

সানি । আমার ব'ল্ছিনি ? এই বুঝি তোর ভালবাসা ?

গফুর । সার্থি কসম ধরালেও আমি তোকে ব'ল্বে, তুই আগে
মাথা পাত—

সানি । বটে, আর ব'লতে হবে না—তুই যা, আমি শুন্তে চাইনে—

[প্রস্থান ।

গফুর । হা আল্লা ! একি ক'ল্লে !—

চতুর্থ দৃশ্য ।

উঠানের অপরাংশ ।

(বাঁদীগণের প্রবেশ ও গীত)

রোগে ব'রেছে ।

কোথাকার বাতিক হাওয়া একেবারে মাণায় চড়েছে ॥

বাত বিকার আর সন্নিপাত, হকিম তবু পার গো ধাত,

এ রোগে নাড়ী ছাড়ে, হকিম ডরে, বলে—প্রেমে জরেছে,

(ভাবে) দফা সেরেছে ॥

ফয় । কি ফ্যাসাদেই প'ড়লুম বাবা—পালিয়ে যাই কোথায় ? সে
দিকে যাচ্ছি, সেই দিকেই মাম্দো-মাম্দীর ঝাঁক । ও বাবা, এই এক
শালা !

(গফুরের প্রবেশ)

গফুর । তাইতো, ছুঁড়ীটের জন্তে কি শেষকালটার পাগল হবো !

ফয় । এ ব্যাটা দেখ্‌চি পীরিতে প'ড়েছে । আমার দিকে নজরও
দেয়নি, আঁস্তে আঁস্তে গা ঢাকা দিই—(গমনোচ্ছত)

গফুর । (স্বগত) এয়ে সেই পবদেশী মিত্রার বাহনটি ! (হাত ধরিয়৷)
কি দোস্ত, কোথায় চ'লেছ ?

ফয় । এই রে ! (কম্পন)

গফুর । একি দোস্ত, কাপ্‌চো কেন ? চোখ বুঁজে কেন দোস্ত ?

ফয় । মিরগীর ব্যামো দোস্ত— মিরগীর ব্যামো । ছেড়ে দাও, ছেড়ে দাও ।

গফুর । (স্বগত) একে ব'ল্লে একটা উপায় হ'র না ? পরদেশী লোক, আমার সঙ্গে চালাকী কর্তে পার্কে না ব'লেই বোধ হয় । দেখি ব'লে—(প্রকাশে) দোস্ত, আমি বড বিপদে প'ড়েছি—

ফয় । আমার বিপদ আবার তোমার চেয়েও বেশী দোস্ত—তোমার চেয়েও বেশী—

গফুর । আমার জ্বান যায়—

ফয় । আমার গেছে ব'লেই হয়—

গফুর । তোমার কি হ'রেছে দোস্ত ?

ফয় । তোমারই বল না—

গফুর । আমি পীরিতে প'ড়েছি—

ফয় । আমি পীড়নে প'ড়েছি—

গফুর । একটা উপায় ঠাওরাতে পার দোস্ত ?

ফয় । নিজে'র উপায় ঠাওরাতেই পাচ্ছিনে, তা তোমার উপায় ! ছেড়ে দাওনা দোস্ত, কথা কাটাকাটি ত অনেক হ'ল । না ছাড়ো, ব্যাপারটা সজ্জপে বল, আমি উপায়টাও চট্ ক'রে দিই—

গফুর । এখনও কাপ'চো ?

ফয় । মজাগত রোগের ওই লক্ষণ,—নাও কাজের কথা কও ।

গফুর । ঐ সানিরা ব'লে যে সাজাদী সেরিগার একটা বাদী আছে জানতো ?

ফয় । হ্যা জানি ; তুমি তারই পীরিতে প'ড়েছ, তুমি তাকে চাও, আর সে তোমার চা'র না—এই ব্যাপার ত ?

গফুর । হ্যা জাই—

ফয় । এক কাজ কর, একদিন প্রাণের কথা তাকে খুলে ব'লে ফেল, যদি রাজী না হয়, তার কাণটা কি নাকটা কামুড়ে দাও—মেয়ে মানুষ ব'ল করবার ঐ একমাত্র দাওয়াই । যাও, স'রে পড -

গফুর । সে চ'টবে না ?

ফয় । চটবার যো কি—একেবারে তোমার পায়ের তলায় লুটিয়ে প'ড়বে । যাও—

গফুর । বড় বাধিত হলুম দোস্ত—সেলাম !

ফয় । হ্যাঁ হ্যাঁ—যাও— [উভয়ের উভয় দিকে প্রস্থান ।

পঞ্চম দৃশ্য ।

উদ্যান ।

(জেরিগার গীত ।)

নিমিষের দেখা চোখে চোখে, আমি আপনা হারায়ে ফেলেছি ।

কহিতে গিয়ে কথার কথা, মরম খুলিয়া দিয়াছি ।

কি ছিল লুকান নয়নে, অমিয় মধুর বচনে,

আমি দেখিয়া শুনিয়া, ভাবিয়া ভাবিয়া, কি জানি কি যেন হ'য়েছি ।

সে যে গো আমার সাধনা কামনা তারে প্রাণ মন স'পেছি ॥

(নোয়াজেসের প্রবেশ ।)

জেরিগা । আপনি এখানে ?

নোয়াজেস । তটিনী-সৈকতে ব'সে সাদ্য-প্রকৃতির শোভা নিরীক্ষণ করছিলাম; অকস্মাৎ সাদ্য-সমীরণ কোন বেহেস্তের সুধা-সঙ্গীত ব'য়ে এনে কর্ণকুহরে অব্যুতরাশি ঢেলে দিলে; উন্নত হ'য়ে সঙ্গীতের উৎপত্তিস্থান অহুসস্থান কর'তে এই দিকে ছুটে এলাম; এ কি ! আপনি লজ্জার মুখ

নীচু ক'রুলেন যে ? মধুবকে মধুব ব'লে তার প্রশংসা করা হয় না—
এতে লজ্জাব কারণ কি আছে ? আমিই যদি লজ্জাব কারণ হই,—
আমি চ'লে যাচ্ছি !

জেরিণা । সে কি ! যাচ্ছেন কেন, আমি ত আপনাকে যেতে বলিনি ।

(সানিয়ার অন্তবালে প্রবেশ)

সানি । এই যে আবার ছুটিতে এক সঙ্গে জুটেছেন, দেখি কতদূর
গড়ায়,—আবার সাজাদীকে খবর দিতে হবে ত—

নোয়া । সুন্দরি ।

জেরিণা । কি ব'লছেন ? আমি সুন্দরী— ছি—ছি—ছি—ও কথা
ব'লবেন না - অপাত্রে অমন অযোগ্য সম্ভাষণ ক'রবেন না ।

নোয়া । যাব চোখ আছে সে আমার কথা মিথ্যা ব'লবে না ।

জেরিণা । (স্বগত) সৌন্দর্য্য কোথায় ? অগাধে, না পরদেশীতে !
বুঝি চাঁদের জোছনা নিংড়ে নিয়ে এরূপ তৈরী হ'বে !

নোয়া । সুন্দরি—

জেরিণা ! থামলেন কেন ? কি ব'লতে যাচ্ছিলেন বলুন । (হস্তধারণ)
সানি । (অন্তরাল হইতে) এ যে বেশ জ'মে যাচ্ছে, তাব দেয়ী করা
হবে না, সাজাদীকে বলিগে— [প্রস্থান ।

জেরিণা চুপ ক'রে রইলেন যে ?

নোয়া । প্রাণের একটা অতি উচ্চ আকাঙ্ক্ষা—বামন হ'য়ে চন্দ্রমা
ধারণের সাধ—

জেরিণা যার মন আছে, তার আকাঙ্ক্ষাও আছে ; এটাত নূতন কথা
নয় পরদেশী !

নোয়া । পূর্ণ হবার আশা না থাকলে তেমন আকাঙ্ক্ষা হয় যন্ত্রণা, নয়
স্বপ্নের কারণ হয় ।

জেরিণা । এরূপ ক্ষেত্রে তাহ'লে সকলকেই জ্যোতিষ শিখতে হয় ।

নোয়া ! বুঝেছি সাজাদী, আমারই হার !

সেরিণা । (অন্তরাল হইতে) সানি মিথ্যানানিনী নয়— জেরিণা
আমার সর্বস্ব-অপহরণোত্তা !

নোয়া । কার পদ শব্দ শ্রুতে পাচ্ছি— সাজাদী'— আমি চল্লম ।

[নোয়াভ্যেসের প্রস্থান ।

(সেরিণার প্রবেশ)

জেরিণা । এ সে সেরিণা— অন্তরাল হ'তে কি আমাদের দেখেছে !

সেরিণা । জেরিণা !

জেরিণা । ভয়ি ?

সেরিণা । এ কিরূপ বিসদৃশ আচরণ তোমার ? জান তুমি কে ?

জেরিণা । জানি, কিন্তু বিসদৃশ আচরণটা কি দেখে ?

সেরিণা । একজন অজ্ঞাত কুলশীল যুবকের সতি ও নির্জন-আরণ্য কি
সহ্যাদি-নন্দিনীর যোগ্য আচরণ ?

জেরিণা । সে বিময়ের বিচার করবার অধিকার তোমার নেই ।

সেরিণা । ক্রোধের বশীভূতা হ'য়ে অপরের মর্যাদার দিকে লক্ষ্য
করিতে বিস্মৃত হ'য়োনা জেরিণা ।

জেরিণা । সমানে সমানে সে দাবী চলে না ।

সেরিণা । কিন্তু তোমার আশা পূরণের পথে অনেক বাধা ।

জেরিণা । মানুষ আশা করবার আগেই সে ভাবনা ভেবে থাকে ।

সেরিণা । তবে তুমি কৃতসঙ্কল্পা ?

জেরিণা । বুঝেছি সেরিণা, তুমিও তাকে ভালবেসেছ— তাহ'লে
আমিও ব'লে রাখি, জেরিণা তোমা অপেক্ষা হীন প্রতিদ্বন্দ্বিনী নয় ।

সেরিণা । বেশ কার্যেই পরিচয় হোক ।

[উভয়ের প্রস্থান ।

(ফয়নাশার প্রবেশ)

ফয়নাশা । ভয়ে ভক্তি—না ভাবে ভক্তি । কোঁপে কোঁপে আর কাঁহাতক লুকিয়ে কাটাবো ! অনেক ভেবে চিন্তে ওই সার্বী মাম্দীর সঙ্গে একটু আলাপ ক'রেছি ; বেটীর চা'লচলন দেখে যা বুঝছি, বেটী এ মাম্দো-গুণীর মধ্যে অহিংসা-ব্রতধারিণী ফকিরণী ! বেটীও আমার পথে বসাবার যোগাড়ে আছে, তাকে প্রতিজ্ঞা করিয়ে নিরেছি—যেন অন্য মাম্দো-মাম্দীর নজর থেকে লুকিয়ে রাখে। বেটী তাই কর্তে রাজী হ'রেছে, তবুও ত বাবা ধোঁকা যাচ্ছে না ? চব্বিশ ঘণ্টাই বুকটা ধড়াস্ ধড়াস্ ক'চ্ছে । ঐ যে বেটী এদিকে আ'স্চে—বেটী চোখের আড়ালে থাকলে তবু থাকি ভাল ।

(সাখিয়ার প্রবেশ)

সাখিয়া । এই যে প্রিয়তম তুমি এখানে ? আমি খুঁজে খুঁজে সারা !

ফয়নাশা । একটু স'রে দাঁড়িয়ে কথা কও না প্রিয়তমে, আমার বুকটা যে ধড়াস্ ধড়াস্ ক'চ্ছে—তা এত খোঁজাখুঁজি কেন ? লেগেছে বুঝি ?

সাখিয়া । এ প্রাণের ভুক কবে মিটবে প্রিয়তম ?

ফয় । এই বুঝি তোমার প্রতিজ্ঞা রাখা প্রিয়তমে ? হু'দিন না যেতেই নোলায় জল স'বুনো ?

সাখি । একি কথা ব'ল্চো প্রিয়তম, আমি যে তোমার ভালবাসি ।

ফয় । তা'খুব বেসো, একটু দূরে থেকেই বেসো, বেশী কাছে বেসো না ।

সাখি । আমার ঐ কথা !

ফয় । ব্যথা ত বুঝলে না প্রেয়সি, তুমি কাছে এলেই আমার কেমন জ্বর আসে ।

সাধি । আমাব, দেখলেই অমন কাঁপো কেন ?

ফয় । কি জানি, লোকজন দেখলেই আমার অগ্নি কাঁপা অভ্যেস ।

সাধি । যে যাকে ভালবাসে, তাকে দেখলে কি ভয় হয় ?—আমি বাঘও নই, ভালুকও নই যে গপ্ ক'রে গিলে ফেলবো ।

ফয় । ওরে বাবারে !

উভয়ের গীত ।

সাধি । আমি বাঘ নই যে গিলবো তোমায় গপ্ ক'রে ।

“ তবে কেন অঁংকে উঠে জড়সড় মোর ডরে ।

ফয় । বাঘ হ'লেও ত ছিল ভাল, ম'বুতুম তবু লড়াই ল'ভে
এষে মাম্দোর মাসী ও প্রেয়সী, মুখ দেখে যে প্রাণ শিহরে ॥

সাধি । কেন মুখখানি কি ভাল নয় ?

এমন কুন্দ-দস্ত নধর অধর সদা হাশুময় !

ফয় । যেন পাথরবাটাতে নারিকেলকুচি দেখলেই মনে হয় !

সাধি । এমন বাঁশীর মতন নাকটি আমার, ঠেঁটি ছুটি রাঙা টুকটুকে,—

ফয় । বাটার দেখে মনে হয় কে ধরিয়েছে টিকে ,

সাধি । টুলটুলে এমন গাল দু'খানি চোক দুটি এমন ঢুলঢুলে, ।

তার মধুর চাহনি, মধুর হাসি, কত জনার মন ভুলে ,

ফয় । সে চোখ যদি থাকত আমার, থাকতুম তোমার পা'রতলে ।

এখন দোহাই তোমার রেহাই দাও—

যাই ঘরের ছেলে ঘরে ফিরে ॥

[কখনোশার প্রস্থান ।

(সানিয়ার প্রবেশ)

সানি । একজন অজানা অচেনা পুরুষের সঙ্গে গোপনে আলাপচারি ।
দাঁড়াও, সাজাদীকে ব'লে দিচ্ছি ।

সাথি । তাতে তোব অত গানের জালা কেন ? বুঝেছি তোবও
তাব উপর চোখ প'ড়েছে ।

সানি । কেন প'ড়বে না ? সে ত আন কাবও কেনা সম্পত্তি নয় ?

সাথি । কেনা না হ'লেও কিন্তেও ব'লুগে ?

সানি । নিলেমে সানিও চাকুতে ছা'ইবে না ।

সাথি । হাসাণি সানি, হাসাণি ।

সানি । হাসিবান্নাটা শেষ দেখে , এখন থেকে অত চমকালি কেন ?

সাথি । ওই দেখিস্ লো, ওই দেখিস । [প্রস্থান ।

সানি । বেশ ।

(সেবিণার প্রবেশ)

সেবিণা । শুনেছিস সানি, জেবিণাও পরদেশীর অনুবাগিনী—
আমাব প্রণয়ের প্রতিধ্বনিতী ।

সানি । হা-হা-হা—বেশত ছ'বোনে বেশ লড়াই চ'লবে ।

সেবিণা । একে আমি নিজের যন্ত্রণার অস্থি, তাব উপর তুই
অল্লীল গ্রাম্য ভাষা প্রয়োগ ক'রে আমার যন্ত্রণার উপর দ্বিগুণ যন্ত্রণা দিতে
কি কিঞ্চিৎ মাত্রও দ্বিধা কচ্ছিস্ না ? দিক্ তোকে !

(মোবারিকের প্রবেশ)

মোবারিক । জরে—বক্তারে নজ্জুম্, সাজাদি, জরে—বক্তারে—
নজ্জুম্—এই দেখে সাজাদি, আমি কত বড় একটা সাধুভাষা শিখে
এসেছি ।

সেবিণা । কাণ্ড-জ্ঞানহীন অপদার্থ, দূরে অপমৃত হও— [প্রস্থান ।

মোবা । কাল সমস্ত দিন ধ'রে এত বড় একটা সাধুভাষা মুখস্থ কর্লাম, তবু নসীব খুললো না ।

(গফুরের প্রবেশ)

গফুর । সানি, আমি এসেছি, শুধু আসিনি, দাওয়াই শিখে এসেছি, ভালয় ভালয় রাজী হও, ভাল ; নইলে দাওয়াই ইস্তেমা'ল ক'লে' রাজী হ'তেই হবে ।

সানি । দূরহ মুখপোড়া, আমি একে নিজের জ্বালায় স্থস্থির, তার আবার জ্বালাতন কর্তে এ'ল, দূর হ—

গফুর । তবে আর আমার দোষ নেই, আমি দাওয়াই দ্বোব—

(সানিয়ার নাক কামড়াইবার উত্তোগ)

সানি । ওরে বাবারে, একি রে, এয়ে কামড়ালো রে ! (পলায়ন)

গফুর । এ যে পালালো ! দোস্ত ও ঠকালে !

মোবা । তাই তো গফুর, একি হ'ল !

গফুর । তাই তো, হজুর একি হ'ল !

মোবা । তুইও আমার মত দুঃখী, আর দু'জনে গলা জড়িয়ে একটু কাঁদি ।

গফুর । তাই আসুন হজুর ! (উভয়ে গলাগলি করিয়া ক্রন্দন)

(পট পরিবর্তন)

বান্দীগণের প্রবেশ ও গীত)

প্রেমে যদি হবে সুখী, বোঝ আগে প্রেমটা কি ।

নইলে মুখোমুখি গলা ধরি বসে কাঁদলে হবে কি ?

প্রেম যদি ক'বুতে চাও, আপন প্রাণ বিলিয়ে দাও,

নইলে সাধো কাঁদো পারে ধরো, বুঝবে শেষে সব ফাঁকি ।

স্বপ্না, লজ্জা, ভয়, তিনটি থাকতে নয়,
পাগল সেজে আকাশ পানে চাইলে কিবা হয়,
প্রেম খাঁটি সোনা, খাদ মেশেনা, চলেনা তায় বুজুকি ।
যে জন চায় যারে, পায় কি সে তারে,
ধরি ধরি ক'রে ফেরে ধ'রতে না পারে ;
যখন মনে প্রাণে বাঁধন পড়ে—
তখন প্রেমে এসে দেয় উকি ॥

দ্বিতীয় অঙ্ক ।

প্রথম দৃশ্য ।

অলিন্দ ।

সানিয়া ও মাঝি ।

সানিয়া । যদি পারিস্ ত পাঁচ শো আসবক্ষি, বেশী শক্ত কাজ নয়, নৌকাব তুলার একখানা তক্তা আনা ক'নে রাখ'বি—মাঝি দরিয়ায় গিয়ে সেখানা এমন চালাকি ক'রে খুলে দিবি, যেন কেউ টের না পায় ।

মাঝি । এতো আর যাকে তাকে খুন করা নয়—একবারে জাত সাপ নিয়ে খেলা,—ঘুণাক্ৰবে টের পেলে গর্দানা গাকবে না ।

সানি । যখন সাজাদী সেরিগা বিবি এর ভেতরে আছে, তখন তোর ভয় কি ? পান্‌সী চ'ড়ে দরিয়ায় হাওয়া খাওয়া জেরিগা বিবির নিত্য অভ্যাস,—পান্‌সী কি আর ডোবে না ? তোর কোন চিন্তা নেই, এতে আর কেউ সন্দেহটি পর্যন্ত করবে না ।

মাঝি । তাইতো বিবি, আমার বেন ভরসা হ'য়েও হ'চ্ছে না । আচ্ছা বিবি, তোমাদেরত মতলব শুধু জেরিগা বিবিকে নিয়ে ; ওতে আবার সাখিরা বিবিকে জডাচ্চ কেন ?

সানি । সেটা বুঝতে পারলিনি ? যদি সাখিরা সঙ্গে না থাকে, লোকের মনে চট্ ক'রে একটা সন্দেহ হ'তে পারে—এটা বড়বল্ল ; সে

থাকলে আর সেটুকু হবে না, তা ছাড়া শত্রুর শেষ করাই ভাল । ও বেঁচে থাকলে ব্যাপাবটা সহজে চাপা দেওয়া যাবে না ।

মান্নি । বুঝেছি, টাকা এনেছ ?

মান্নি । এই নে বায়না, কাজ শেষ ক'রে এলে বাকী । কিন্তু খুব সাবধান !

মান্নি । সেলাম বিবি, চল্লুম । কাজ হাঁসিল ক'রে তবে কিরুবো ।

[প্রস্থান ।

মান্নি । এক টিলে দুই পাখী মার্কো, সাখী মনে ক'রেছে, ফয়নাশা তার হবে ! এখন মাঝ দরিয়ায় কবর হবে, তখন বুঝবি ফয়নাশা কার ।

• (সেরিগার প্রবেশ)

সেরিগা । কি হ'ল মান্নি ?

মান্নি । সব ঠিক ; মান্নিয়া যে কাজে হাত দেয়, সে কাজ কখনও অপূর্ণ থাকে ?

সেরিগা । কিন্তু একেবারে হত্যা ক'রবি !

মান্নি । নইলে যে নিজেকে হত্যা হ'তে হবে । পরদেশীর ঝাঁকটা এখন ওরই উপর প'ড়েছে । বেঁচে থাকতে যে ঝাঁকটা যাবে, তা ত মনে হয় না । তা ছাড়া ও শত্রুর শেষ করাই ভাল ।

সেরিগা । এ বিষয়ে তোমার বুদ্ধি অতীব প্রখর । তোমার সঙ্কল্পের বিরুদ্ধে আমি কোন কথা বলা আবশ্যিক বিবেচনা করি না । তা'হলে আজই ?

মান্নি । আজই গোখুলি লগ্নে শুভকার্যটা সম্পন্ন করা হইবে ; দেখ সাজাদী, আমি সাধুভাষা শিখেছি ।

সেরিগা । শিখি বৈকি মান্নি, অধ্যবসারে কি না হয়,—এখন আর ।

[উভয়ের প্রস্থান ।

(ফয়সালায় প্রবেশ)

ফয়সালা। এ মামুদী শালীর মতলব ত বেশ ভাল বলে বোধ হচ্ছে না। সেরিগা বিবি আর সাখিয়াকে মামুদার মতলব কেন? ওরা আছে বলে বোধ হয় আমাদের জবাই কর্তে পারছে না, তাই ওদের সরাবার চেষ্টা করছে; কিন্তু মামুদোরা কি জলে ডুবে মরে? হয়ত এ মামুদোর দেশের জলের এমি একটা গুণ আছে; তা যদি হয়, তা হলে আমিও এক চাঁল চালি। ঠিক হয়েছে! এই যে মামুদো প্রেমিক আসছে, ওকে দিয়ে এদের মতলব ফাঁসাতে হবে। প্রেমের নেশায় নোটার জল শুকিয়ে গেছে বলেই একটু ভয়সা।

(মোবারিকের প্রবেশ)

মোবার। হা মার্জিত ভাষা! খোদা! আমার মার্জিত ভাষা শিখিয়ে দাও; মার্জিত ভাষা না শিখলে যে সেরিগাকে পাবো না। সেরিগা আমার হবে না—আমি দমকেটে ম'রে যাবো।

ফয়সালা। কি বাবা, মামুদোর চাঁই, শ্রীমুখখানি যে শুকিয়ে আয়ুসি হয়ে গেছে! তোমাদের প্রেমের হিড়িক ত বড় কম নয় দেখ্‌চি!

মোবার। কি আর বলবো যিহা, আমার কানতে ইচ্ছে করছে। এস জাই, আগে তোমার গলা জড়িয়ে একটু কাঁদি।

ফয়সালা। স'রে দাঁড়াও না চাঁই, নইলে এখনি আমার পাতলা হ'তে হবে। তার চেয়ে দূরে দাঁড়িয়ে যা মতলব দিই, শোন,—আমার মতলব শুনলে তোমার প্রাণময়ী একেবারে তোমার শ্রীচরণের হুঁচি হয়ে যাবে।

মোবার। মার্জিত ভাষা না শিখলে কোন মতলবই খাইবে না।

ফয়সালা। তার কত আর চিন্তা কি? আমরা যে মার্জিত ভাষার দেশের লোক। সে দিন অত বড় একটা মার্জিত কথা শিখিয়ে বিলুপ।

মোবা। সেই জরে-বজ্জারে-নজ্জুম্ ত ? সে কথাটা শুনে মা'বুতে বাকী রেখেছিল ।

কর। তুমি তা হ'লে ব'লতে পারনি—ওটা ব'লতে হবে জরেবক্—
হারে—নজ্—জ্জুম্ অর্থাৎ তেটে কেটে গদী বীনা দা। ঠিক তবলার
বোলের মত, তবেত সেটার মানে বোঝাতো, যদি উচ্চারণই ঠিক না হ'ল,
ব'লে লাভ কি ?

মোবা। বটে, আমি তা ত জানি নি ।

কর। জ্ঞাননি এইবার শেখ—আমরা মার্জিত-ভাষার দেশের লোক,
আমি তোমার গাদা গুদা মার্জিত-ভাষা শেখাতে পারি ; দেখবে তোমায়
আর বিবির সাধি-সাধনা কর্তে হবেনা ।

মোবা। বটে—বটে—বটে ! তাগিম্ দাও মিঞা, তালিম্ দাও,
আমি তোমার কেনা গোলাম হ'রে থাকবো ।

কর। গোলাম হবার দরকার নেই চাই, এই রকম মোলায়েম
আচরণটা ক'বলেই যথেষ্ট হবে ।

মোবা। তাহ'লে তালিম্ শুরু কর মিঞা ।

কর। আগে তাহ'লে আর একটা মার্জিত ভাষা শেখ,—বল সখুন্—
মার—এ-আস্তিন্—অর্থাৎ তাক্ পুয়া তাক্—একেবারে তবলার বোল—
বল দেখি ?

মোবা। (বিকৃত ভাবে) সখুন্—মার—এ-আস্তিন্ অর্থাৎ তাক্ পুয়া
তাক্,—ঠিক হয়েছে ?

কর। কেয়াবাৎ—এমন না হ'লে সাগ'রেদ। নাও, মুখস্থ ক'রে
কল । (মোবাসিক কর্তৃক পুনঃ পুনঃ আবৃত্তি) তোমার হ'য়েছে—এইবার
সংসার্যকর্ষ দিই কর ।

মোবা। কি কর—

ফয় । আজ ঠিক সন্ধ্যার সময় বাগানের ঘাটে একখানা পান্‌সী থাকবে, সেখানা চ'ড়ে সেরিণাবিবি সানিকে সঙ্গে নিয়ে বেড়াতে যাবে ।

মোবা । সানি বেটা থাকলে ত সুরিধা হবে না । সেরিণাকে একলা না পেলে সুরিধা হবে কেন ?

ফয় । আহা শোনই না— তুমি বোঝা প'বে সানি সঙ্গে সেই পান্‌সীতে উঠে ব'সে থাকবে, তারপর সেরিণাবিবি* তোমাদের চিন্তে না পেবে, সেই পান্‌সীতে উঠলে পান্‌সী ছেড়ে দেবে । মাঝ দরিয়ায় গিয়ে প্রথমে আত্মহত্যা ক'রবে ব'লে ভয় দেখাবে— তাও, যদি সম্ভব না হয়, তারপর মার্জিত-ভাষা-রূপ নাগপাশে তোমার প্রণয়িনীকে বেঁধে ফেলবে—বস, কেলা ফতে ' পা'রবে ?

মোবা । এ আন পা'রবে না, খব পাৰে—

ফয় । দেখো, সেন মার্জিত-ভাষা ভুলোনা ।

মোবা । কি ব'ল'চো মিঞা, এই দেখনা— সখুন্—মাবু—এ আন্তিন্ অর্থাৎ তাক্ থুমা তাক্—কেমন মনে আছে ত ?

ফয় । তোকা মনে আছে—

মোবা । তাহ'লে এখন আসি, কেলাম । ('সখুন্ মাবু—এ আন্তিন্' পুনঃ পুনঃ আবৃত্তি করিতে করিতে প্রস্থান)

ফয় । স'রে পড়, সেলাম, বাসু—এইবার মাম্‌দো চাচাকে সেরিণা সাজাতে পারলেই মাম্‌দো ওই একটু হাকা হয় । এই বে,—যে না চাইতেই জল—এস দোস্ত এস—

(গফুরের প্রবেশ)

গফুর । বাও—বাও—তোমার সঙ্গে আর কথা কইবো না—তুমি বড় ছোট লোক—

ফয় । এ কি ব'ল'চো দোস্ত, আমি ছোটলোক ! কিসে দেখবে ?

গফুর । যা মতলব দিয়েছিলে, আমি নাক কামড়াতে গিয়ে একেবারে অপ্রস্তুত, বেটা চীৎকার করে পালালো ।

ফর । তা হ'লে তুমি কামড়াতে পারনি ? তা হ'লে আর আমার দোষ কি বল ? কামড়ানোর পর যদি সে বশ না হ'তো তাহ'লে আমার দোষ দিতে পার্ভে ।

গফুর । বটে ! তা হ'লে মস্ত ভুল ক'রে কেলেছি দোস্ত—

ফর । করনি ? এত বড় ভুল কেউ কখনও করে না ।

গফুর । তা হ'লে উপায় ?

ফর । আবার আমি তোমার উপায় ব'লবো ? যা ব'লবো, তা তুমি পার্কে না, অথচ আমার দোষ দেবে । তার চেয়ে কোন কথা না কওরাই ভাল, তাতে বরং দোস্তিটা থাকবে ।

গফুর । রাগ ক'রোনা দোস্ত, আমারই ভুল হ'য়েছে । মেহেরবাণী ক'রে একটা উপায় ব'লে দাও ।

ফর । না পারো যেন আমার দোষ দিও না ।

গফুর । আমি কসন্ খেয়ে ব'লছি, তোমার দোষ দেবো না ।

ফর । তা হ'লে আজ একটা সুযোগ আছে, সন্ধ্যার সময় সানি ছুঁড়ি সেরিগাবিবির সঙ্গে পান্‌সী চ'ড়ে হাওরা যেতে যাবে । সে পান্‌সীতে আগে থাকতে গিয়ে ব'সে থাকবে । তুমি সেরিগাবিবি সঙ্গে যোরবার মুখ চেঁকে গিয়ে পান্‌সীতে উঠবে । অমনি পান্‌সী ছেঁড়ে দেবে । তারপর মাঝ-দরিয়ার গেলেই সানিকে ধ'রে তার নাকটা কিছা কাণটা—
বুঝলে কি না ?

গফুর । যদি পালার ?

ফর । আর দরিয়ার বাঁপিরে প'ড়ে পালাবে মনে ক'জু নাহি ?

গফুর । ও তাই তো বটে ! বেঁচে থাক দোস্ত, বেঁচে থাকো !

(গীত)

গফুর । আজ মারু দিয়া—মিঞা মারু দিয়া

দিল পেয়ারা মিলেনেকো আসান্ সলুক্ মিল্ গিয়া ॥

ফর । তুম্ দোস্ত মেরা হো, তুম্ খোয়াইস্ করোগে যো,

জান দেনে ম্যর তৈয়ার হুঁ, দেখো মতলব ক্যারসা দিয়া ।

গফুর । তুম বড়া মেহেরবান্, তুম বড়া মেহেরবান্ ।

এয়ারসা দোস্ত কাহা মিলেগা এয়ারসা কদবুদান ।

ম্যর জিন্দগি ভর গোলাম তেরা মেরাজান তেরে বিরে

মেরি । মেরি দোস্তি মালুম হোগা, আখের দেখিরে

চাচা ! আখের দেখিরে ।

[উভয়ের প্রস্থান ।

দ্বিতীয় দৃশ্য ।

নদী-সৈকতের উগ্গান-বাটিকা, মদীতে একখানি পাঙ্গী ;

পাঙ্গীতে মাঝি উপবিষ্ট ।

(নারীবেশে মোবারিকের প্রবেশ)

মোবারিক । সখুন্ মারু-এ-আস্তিন্ অর্থাৎ তাক্ খুন্না তাক্ । (পুনঃ পুনঃ আবৃত্তি) কারদায় এনে কেলোছি, আর ভাবনা নেই । এই যে পাঙ্গী । (নিকটে গিয়া) এখনও দেখছি সেরিগা আসেনি, ভাগই হ'য়েছে ; আগে থাকতে উঠে ব'লে থাকি । (পাঙ্গীতে উঠিয়া বসিল)

মাঝি (স্বরতঃ) বোধ হ'চ্ছে এই সেই বাদী বেটি এখনও সাজাদী আসেনি । বাপ্, গা-টা কাপুচে, এত বড় একটা সাজাদি, কার ।

কিন্তু পাঁচ শো আসরকি ! আর মাঝিগিরি কর্তে হবে না । সব ঠিক ঠাক ক'রে রেখেছি, সাজাদী কলেই পেরা মারি ।

মোবা । সখুন-মাবু-এ-আস্তিন অর্থাৎ তাক থুরা তাক । (পুনঃ পুনঃ আকৃতি করণ) তাই তো এখনও আসচে না যে !

মাঝি । ঐ যে সাজাদী আসচে, তৈরী হই ।

(নারীবেশে গফুরের প্রবেশ)

গফুর । এইবার দেখবো সানি, তুই কেমন ক'রে পালাস, এই যে ! সানি পালীতে বসে আছে, এও দেখছি বোরখা পবে এসেছে । যাই উঠে বসি । (উঠিয়া বসিল)

মাঝি । আর ত কেউ আসবে না সাজাদী, তা'হলে পালী ছেড়ে দি ?

মোবা (স্ত্রীকর্মে) ঐ ছাড়বি বৈ কি, আর দেরী কচ্ছিস কেন ?

(মাঝি পালী ছাড়িয়া দিল)

(নৌকা চড়িয়া বাঁদিগণের প্রবেশ ও গীত)

কিবা মনোহর রাঙা সুরষ ভাসে জলে ।
আর মোরা বাহি তরী ধরি কুতুহলে ॥
কালো জল কাল ক'রেছে, ভুলে বিবম চেউ,
প্রেমের চেউ এমি ধারা করে নাকের জলে চোপের জলে ।
প্রাণ নিয়ে টানাটানি হয় যে শেষ কালে ।

[প্রস্থান ।

(পট পরিবর্তন)

গফুর । (স্ত্রীকর্মে) সানি ।

মোবা । (স্ত্রীকর্মে) কি সাজাদী ?

গফুর । (স্ত্রীকর্মে) তুই কতকণ বসে আছিল ? কই হয়নি তো ?

মোবা। (স্বীকর্ষে) আহা সাজাদী, তোমার জন্তে ব'সে থাকব না ত আর কার জন্তে থাকব ? তুমিই যে আমার সব। (স্বগত) সখুর মার এ-আস্তিন্—হঁ ঠিক মনে আছে।

গফুর। (স্বগত) আ ম'লো, বেটীর প্রেমটা কি সাজাদীতে গিয়ে গড়ালো নাকি ! যা হোক অনেকটা ত এসে প'ড়েছি। এইবার দাওয়াইটা পরখ্ করে দেখি। (স্বীকর্ষে) সানি—

মোবা। (স্বগত) কি সাজাদী—

গফুর। (স্বীকর্ষে) তোকে কাণে কাণে একটা কথা বলি শোন, কাণে-ও যেন বলিস্ নি।

মোবা। (পূর্ববৎ) আহা সাজাদী, তোমার কথা নয়ত যেন মধু, একবাব কাণে ঢুকলে আবার বেরুবে ?

গফুর। (পূর্ববৎ) তবে শোন।

(গফুর মোবারিকের কাণে কামড়াইয়া দিল, মোবারিক চীৎকার করিয়া উঠিল এবং উভয়ে উভয়কে দেখিয়া বিস্মিত হইল।)

মাঝি। (স্বগত) এইবার তলা খুলে দিই—

(তথাকরণ ও জলে বাষ্প প্রদান)

মোবা। তাই তো, কি করি গফুর ! (ইতস্ততঃ করণ)

গফুর। জলে বাঁপিয়ে পড়ুন, জলে বাঁপিয়ে পড়ুন—

(উভয়ের জলে বাষ্প প্রদান)

(নোরাহেসের প্রবেশ)

নোরা। তাইতো, জেরিগাতো এখানে নেই—ওকি ! জলে ডুবে উঠ্চে—ওটা কি ! একটা মানুষ নয় ? মানুষই ত বটে ; এমি তাহা আমার প্রাণ এরা একদিন বাঁচিয়েছিল। দেখি, যদি বাঁচাতে পারি।

—————

(জলে বাষ্প প্রদান)

তৃতীয় দৃশ্য ।

হকিমের বাগী ।

রোগীগণের প্রবেশ ও গীত ।

সকলে । আমরা নূতন রোগে নূতন রোগী ক'জনা ।

দেখে বাড়াবাড়ি ভাভাতাড়ি, এসেছি হকিম বাড়ী

এ যাত্রা প্রাণটা বুঝি বাঁচে না ॥

১ম রোগী । আমার বেজায় রকম হাঁচি, গায়ে বসতে দেয় না মাচি,

বাঁচি কিনা বাঁচি,

ক'্যাচ্ ক'্যাচ্ ক'্যাচো যেন ক'রলে গরু শিরুটানা ॥

২য় রোগী । আমার ঘুচে গেছে সুখ আমি কানি খুক্ খুক্,

দুঃখ দেখে বিবি আমার কথাটা করনা, তা' প্রাণেতে নয় না ।

৩য় রোগী । কাঁচা বরসে প্রেমের ছিটে, বাত ধরেছে গেঁটে গেঁটে,

বিবি বেজায় খিটখিটে, হায় দেখেও দেখে না ॥

৪র্থ রোগী । আমি একটুখানি কালা,—যেই ধান শুন্তে কান শুনি,

অগ্নি পয়জারের ঠালা,

পীটটে বেন বানী ঘর, ঝাড়ুর বহর নয় না ॥

৫ম রোগী । আমার হাই তোলাটাই রোগ, থেকে থেকে তেউড়ে ওঠা

বিষম ক'ন্দ'ভোগ,

ধলুক'র হ'লে শেষে আর ত আমি বাঁচবো না ॥

৬ষ্ঠ রোগী । এমন ঢেকুর তোলে না ত কেউ,

খাই না খাই পেট দম্‌সম্ সর্ক'না হেউ চেউ,

উদরীর গুঁতোর শেষে পটল তুলতে পারবো না ॥

৭ম রোগী । আমার চুলে মরা রোগ, উঠি হাঁচি দাঁড়াই বসি

ককির বাবার যোগ,

নাকের কাছে ঝুলচে সিন্ধে ফুঁকতে দেবী সহবে না ॥

৮ম রোগী । বমি বমি সদাই করে গা,—জলটুকু যে তলায় নাকো

বিষম ভাবনা,

এম্মি ধারা ক'রলে “ওয়াক্” প্রাণটা বাকী থাকবে না ॥

সকলে । ওগো হকিম চাচা, মোদের মুন্সিল হ'ল বাচা,

মরি যদি মামদো হবো, তোমার বাড়ী ছাড়বনা ॥

[সকলের প্রশ্নান ।

(সানিয়ার প্রবেশ)

সানি । (স্বগত) নিশ্চয়ই কেউ জেরিণা বিবিকে সাবধান ক'রে
দিরেছে, নৈলে রোজ বেড়াতে যায়, কাল গেলে না কেন ? আর মাঝি
বেটারই বা কি আক্কেল ! তুই ভাল ক'রে না দেখেইবা নৌকা ছাড়লি
কেন ? যাক্—ও দিক দিবে আর কিছু হবেনা দেখছি । এখন
সাজাদীর যুক্তিই ঠিক । জেরিণা বিবিকে দাওয়ারই পাইয়ে তার
রূপ নষ্ট ক'রে দিতে হবে । তা'হলে পরদেশী আর তার দিকে
ফিরেও চাইবে না । যখন সুরূপা নেচে সেধে আসচে, তখন
কুরূপা কে চায় ? ভালবাসা ভালবাসা—সব কথার কথা । আমি
তা হ'লে সাধি ছুড়ীর করি কি ? ভেবে দেখবো । এখন যা ক'র্ত্তে
এসেছি করি ; দাওয়ারইটা সংগ্রহ করি । শুনেছি, এই হাকিমের কাছে
এমন এক দাওয়ারই আছে, যা খাবামাত্র মুখপানাকে একেবারে কালি মেরে
দেয় । (প্রকাশ্যে) ও হকিম সাহেব—হকিম সাহেব—

হকিম । (গৃহান্তান্তর হইতে) কোন্ কুকরুতা ছায় ?

সানি । মেহেরবাণী ক'রে একবার বাইরে এসেই দেখুন না ।

(দ্বার খুলিয়া হকিমের প্রবেশ)

হকিম । করুমা হৈসে বিবি, করুমা হৈসে ।

সানি । বড় একটা জরুরী কাজের জন্য আজ আপনার শরণাগত হ'য়েছি । এখন আপনার মেহেববানীর উপর সমস্ত নিভব ক'চ্ছে ॥

হকিম । কেয়া কাম বিবি করুমা হৈসে, গোলাম হাজিব —

সানি । একটু নিবিবিলা জায়গা না হ'লে ত ব'লতে পারিনে ।

হকিম । বহুত আচ্ছা, অন্যবমে কোই হায নেহি, অন্যবমে আইসে ।

(উভয়ে গৃহ-মধ্যে প্রবেশ ও অপব দিক দিয়া সাখিয়ার প্রবেশ)

সাখিয়া । সানি ছু ডী এত সকালে বাদসাব হকিম সাহেবের বাড়ী । ব্যাপারটা কি ? বাহিবে কথা চল্লো না, অন্যবদ ভেতব কুসুব কাসুব কর্তে যাওয়া হ'ল । নিশ্চয়ই কোন ক মতলব আছে । যাহোক একবার দেখি, দৌড়টা কত । (অন্তরালে অবস্থান)

(হকিম ও সানিয়ার বহিবাগমন)

হকিম । ইয়ে দাওয়াই লিজিয়ে বিবি, খোড়া সববংকা সাথ পিলা দিজিয়ে—বাস্—বিবি একদম্ কাফ্রী বন্ যাযেগি ।

সানি । বড়ই বাধিত হলুম হকিম সাহেব, এই নিন আপনার ইমাম —
সেলাম- | সানিয়ার প্রস্থান ।

(সাখিয়ার প্রবেশ)

(সাখিয়াকে দেখিয়া হকিমের ভাড়াভাড়া মোহবের থলি লুকাইবার চেষ্টা)

সাখিয়া । ওকি হকিম সাহেব, ওটা লুকোচ্ছেন কি ?

হকিম । (চমকিত হইয়া) ও কুচ্ নেহি, কুচ্ নেহি, ও দাওয়াই ।

সাখিয়া । দাওয়াই কি আর থলিতে থাকে ? আমাকে লুকোচ্ছেন কেন ? আমাকে কি চিন্তে পা'চ্ছেন না ? সেই যে হারিয়ে যখন চিকিৎসা কর্তে গেলেন, তখন আমার সঙ্গে দেখা । পুরুষ এমনি মিঠুর

বটে . একবার দেখা দিয়ে প্রাণে আশ্রয় ছেলে দিয়ে, এত শীগ্গির ভুলান
পুরন ছাড়া আর কেউ পারে না ।

হকিম । (স্বগত) ইয়ে কেয়া কহতি ছায় (প্রকাশ্যে) সব ইয়াদ ছায়
বিবি, সব ইয়াদ ছায়, লেकिन মায় গরিব ।

সাগিয়া । ভালবাসান গরীব আমীব নেই হকিম সাহেব ।

হকিম । কেঁও বিবি, এয়াষসা বাত কেঁও কহতি তো ?

সাগি । কি আব ব'ল'বো হকিম সাহেব, তবে আমাব শত্রু , সানিয়া
আমাব স্পষ্ট ব'লেছে “যদি তুই হকিম সাহেবেব আশা ছাগ কত্তে ন
পাবিস, তা'হলে তোব মরণ আমাব হাতে ।

হকিম । (স্বগত) সব উল্টা ছোগিয়া তো । আব মায় উস্কা মতলব
সমক্ গিয়া হ' । পহিলে যো আমা, উও ডকব দাওয়াই ইনকো পিলায়েগি ।
(প্রকাশ্যে) বিবি, মায় এক বডা কসুর কিয়া , উস্কো মায় এক দাওয়াই
দিয়া, আব মালুম্ ছয়া, উও দাওয়াই তুমহারা ওরাত্তে লেগেরি , কচ
পবোরা নেই,- গৃহমধ্যে প্রবেশ ও অবিলম্বে একটি মোড়ক লইয়া পুনঃ
প্রবেশ) ইয়ে দাওয়াই আপনে পাস্ রাখো, আগর কোই সুরৎসে উও
দাওয়াই তোমে পিলাইত: তা ইমে দাওয়াই পানিকে সাথ পীনা . ব্যর, সব,
আচ্ছা তো বায়েগা ।

সানিয়া । আপনার বড মেহেরবাণী । (স্বগত) যাক্ ভাবনা গেল,
(প্রকাশ্যে) আচ্ছা হকিম সাহেব, এখন তবে আসি,—সেলাম—মনেরাখবেন ।

হকিম । সেলাম (সাখিয়ার প্রস্থান) কেয়া তোফা , এক সাথ
রোপেরা আউর আউরাৎ ? [প্রস্থান ।

(হকিমের বালক ভৃত্যবরের প্রবেশ ও গীত)

ফুকো শিশি নরকো আছে হকিম চাচার হজমীগুলি
আব মালুম্ হজম করে, বাকী রাখে গৌবগুলি ।

লাখি জুতো হজম করে, গালাগালি কোন্ ছার—
 রক্ত অঁধি দেখে ভক্ত বলে কি বাহার—
 বিবির মুখ ঝানুটা মন ভারি শুকনো আকার সখ করি,
 হজম ক'বে মেজাজ নরম—বলে কোকিল-কাকলী,
 শুকনো ধাতে সরনা যেটা সহিতে পারে দাওরাই গিলি ॥

চতুর্থ দৃশ্য ।

লতাকুঞ্জ ।

জেরিণা

জেরিণা । তাইতো একি হ'লো ! রোজ ঘুম থেকে উঠে সবৎ থাই,
 আজও খেলুম কিন্তু একি হলো ! এমন কদর্য্য রূপ হ'ল কেন ? নিশ্চরই
 সবতেব সঙ্গে কেউ কিছু মিশিয়ে দিয়েছে, কি করি ? পরদেশী আমায়
 অন্তরের সহিত ভালবাসেন । আমার রূপ দেখে তিনি ঘৃণা না ক'বলেও
 আমি ঘৃণায় তাঁর কাছে মুখ দেখাতে পারব না । তাঁকে দূর হ'তে
 দেখবো—দূর হ'তে ভালবাসবো । তাঁর সংসর্গে থেকে তার সমস্ত
 জীবনটা বিষময় কর্তে পাকোঁনা । পরদেশী আমার—জীবনে মরণে
 আমার,—এই সান্ত্বনাই আমার সুখ,—আমি স্বার্থ চাই না ।

(নোয়াজেসের প্রবেশ উদর্শনে জেরিণা অবগুষ্ঠনে মুখ ঢাকিলেন)

নোয়া । জেরিণা, একি ! মুখ ঢেকে র'য়েছ কেন জেরিণা ?

জেরিণা । কিছু মনে ক'র না পরদেশী, লজ্জার মুখ দেখাতে পারবো
 না ব'লেই ঢেকে রেখেছি ।

নোয়া । লজ্জা । কিসের লজ্জা জেরিণা ?

জেরিণা । আমি অতি কুৎসিতা—

নোয়া। কুৎসিতা! সুন্দরি, কি ব'ল্‌চো? বেহেস্তে এ সৌন্দর্য্য আছে কি না জানি না,—তবে পৃথিবীতে যে সৌন্দর্য্যের তুলনা হয় না, সেই অতুলনা সুন্দরী তুমি—তোমার মুখে আজ একি কথা জেরিণা? তোমার কথার অর্থ ত আমি কিছুই বুঝতে পাচ্ছি না।

জেরিণা। সত্যই পরদেশী আমি অতি কুৎসিতা।

নোয়া। তুমি সুন্দরীই হও—আর কুৎসিতাই হও তুমি আমার। অস্তরের সৌন্দর্য্যের কাছে বাহিরের রূপ? সে যে কাঞ্চনের তুলনার কাচ! জেরিণা, অবগুণ্ঠন উন্মোচন কর!

জেরিণা। যদি মুখ দেখে আমার ঘৃণা হয়?।

নোয়া। যে মুখচ্ছবি নিজায় স্বপ্ন, স্বপ্নে শান্তি, আগরণে তৃপ্তি, কল্পনার সুখ এনে দেয়, তা দেখে ঘৃণা! জেরিণা, তুমি কি উন্মাদিনী হ'য়েছ?

জেরিণা। আপনার বিশ্বাস হ'চ্ছে না? এই দেখুন, আমি কত কুৎসিতা! (অবগুণ্ঠন উন্মোচন)

নোয়া। কৈ প্রিয়তমে, আমি ত তোমার কিছু পরিবর্তন দেখছি না! ছনিয়ায় যদি কেউ আমার চোখ নিরে তোমার দেখতো, তা'হলে সে কেমন ক'রে তোমার কুৎসিতা ব'লতো, তা দেখতুম। নোয়াজেস তোমার অস্তরের সৌন্দর্য্য দেখে তোমার বাহ্যিকরূপ দেখবার চোখ হারিয়েছে। লোকের চক্ষে তুমি যতই কুৎসিতা হও, এচক্ষে তুমি তার প্রাণময়ী ছবি।

(হস্তধারণ)

জেরিণা। (অস্তরাল হইতে) এত কুৎসিতা, অথচ এত ভালবাসা! অসহ।

জেরিণা। পরদেশী,—পরদেশী! কি ক'রছেন, আমার যত কুসুপার সংসর্গে সমস্ত জীবনটা বিস্ময় ক'রেন, এ ছাড়া আমি কেমন ক'রে সহ্য ক'রব?

(সবচেহেব গ্রাস লইয়া সাগিষাব প্রবেশ)

সাগিষা । না কেন কঠে হবে সাজাদি ! তোমাব এ নিস্বাথ ভাল-
বাসাব কি একটুও পুবস্কাব নেই ? এই নাও, প্রতিযেধক দাওয়াই, এগনই
বাহে বেজে ।

(বাদীগণেব গীত)

কপেব লাগিয়ে বেসোমাকো ভাল,

ভালবেসে সুখ পাবে না পাবে না ।

দু মনুনেশা ছুটে গেলে প্রাণে, নিলনেতে সুখ হবে না হবে না ॥

খোবন হেবিয়ে যদি ভালবাসা, সে যে নিমিশের না পূবিবে আশা,

খোবন ফুরাবে, ভালবাসা যাবে, বাঞ্ছিত কবে চাবে না চাবে না ।

খন বিনিময়ে প্রেমের বাসনা, সে ত নহে প্রেম, প্রেমের চলনা,

শুধু প্রাণ বিনিময়ে ভালবাসা—বাসি,

খন দিলে প্রেম মেলেনা মেলেনা ॥

নোয়া । এস জেবিণা, আমরা একটু নদীৰ দিকে যাই ।

[উভয়েব প্রশ্নান ।

পঞ্চম দৃশ্য ।

আরাম বাগান ।

(অপরূপ সাজে সজ্জিতা সেরিণার প্রবেশ)

সেরিণা । (আপন অঙ্গ সৌষ্ঠব ও সাজ সজ্জার দিকে ঘন ঘন দৃষ্টিপাত
করিতে করিতে) এ রূপের নিকট জেরিণার রূপ ? যেন সত্যপ্রকৃতি
গোলাপের তুলনার ঘটা কর্তব্য কুহুম ! এমন স্থিতিক্তের সম্মুখে এক অসভ্য
অভব্য যুধিনী ! যেন স্থিতমতা পরী-সম্রাজীর সমীপে আধিনিমিত্ত

জঙ্গলের কাফ্রি রমণী ! ছনিয়ায় এমন পুরুষ কে আছে, যে এই শরদেন্দু-
নিভাননার রূপ-রজ্জুতে আকৃষ্ট না হয়, যে না হয়, সে মূর্থ—অতি মূর্থ ।
শাখামৃগ যেমন মুক্তাহারের মগ্ন জানে না, সেও তদ্রূপ কামিনীর কমনীয়
রূপের মাধুর্য্য অন্তর্ভব ক'ত্তে পারে না । পরদেশী জেরিগার সৌন্দর্য্যে মুগ্ধ
হ'য়ে তাকে একটু ভালবেসেছিল, এখন কুরূপা দেখেও ভালবাসে, শুধু
পূর্বের নেশায় । আমাব এ ভুবনমোহন রূপ দেখলে পরদেশী কি আন
জেরিগারদিকে ফিরে চাইবে ? কখনই নয় । সে তাকে আশ্রিত কুম্বের
স্তায় পদদলিত ক'রে আমার চরণতলে লুটিয়ে প'ড়বে । আমার অনিন্দ্য-
সুন্দর রূপ দেখে আমি নিজেই মোহিত হ'চ্ছি --পরদেশী ত পুরুষ !

(নোয়াজেসের প্রবেশ ও সেরিগাকে মুগ্ধনেত্রে দর্শন ।

নোয়া । অতি সুন্দর !

সেরি । এখন বলুন দেখি, কে সুন্দরী ? জেরিগা না আমি ? এ
রূপের তুলনায় জেরিগার রূপ কাফ্রি-রমণীর মত নয় কি ? বলুন দেখি,
এ সৌন্দর্য্য উপভোগ ক'র্ত্তে কি সাধ হয় না ? বলুন দেখি, যদি কেউ
স্বচ্ছায় এই রূপের ডালি আপনাকে উপহার দিতে আসে, তার বিনি-
ময়ে একটু ভালবাসা চায়, তাহ'লে আপনি কি কবেন ?

নোয়া । কি করি ! আতঙ্কে দূরে পালিয়ে যাই ! সাজাদী, রূপমল্যে
ভালবাসা কিম্বতে চাও ? এতক্ষণ বিশ্বয়-বিমূগ্ধ-নেত্রে তোমার ঐ ভুবন-
মোহন রূপ চেখছিলুম—দেখলুম, ও রূপ নয়—জলন্ত অগ্নিশিখা ! দূর
থেকে দেখলে বড় মধুর, বড় তৃপ্তিকর । কাছে যাবার যো নেই । স্পর্শ
করা দূরে থাক, কাছে গেলে উত্তাপে সর্কার জলে পুড়ে যাবে । আর ঐ
রূপের অন্তরালে একটা জিনিষ লুকোনো আছে, তোমরা তাকে বল
হয় ; আমি দেখছি, সে হয় নয়—বিষমাখা ছুরি । সাজাদী, তুমি
জেরিগার রূপের তুলনা ক'চ্ছো ? সে রূপ কখনও দেখবার মত দেখোনি,

তাই নিন্দা ক'চ্ছে। সে রূপ-জ্যোৎস্নার মত সুন্দর—মলয়ের মত স্নিগ্ধ !
তাতে অগ্নির মত দাহিকা-শক্তি নেই। আবার তার অভ্যন্তরের বস্তুটা
যে কি সুন্দর, তা তোমার কি বলবো ! বেহেস্তে সে সৌন্দর্য্য নেই,—তার
উপমা দিতে ভাবার শক্তি নেই,—সে পবিত্র, শাস্তিময়, স্বর্গীয় ! সাজাদী,
গোস্তাকী মার্জনা করেন,—জেনে রাখুন, রূপের ফাঁদে মানুষে পড়ে না,
শুধু পশুতে পড়ে ।

সেরি। (স্বগত) এত অপমান ! এত অবজ্ঞা ! সত্ৰাট-নন্দিনীর
অঘাচিত প্রেমে এত হেনস্তা ! (প্রকাশ্যে) পরদেশী, এখনও বিবেচনা
কর, কি ক'চ্ছে বুঝতে পাচ্ছে না। এখনও ভাল ক'রে বিবেচনা ক'রে
উত্তর দাও ।

নোয়া। সাহাজাদী, উত্তর ত পেয়েছ—তবে যদি আবার শুনতে
চাও শোনো, গর্বিতা নারী, আমার রূপের ফাঁদে ফেলতে চেষ্টা ক'রনা
আমি মানুষ। (গমনোদ্গত)

সেরি। অপেক্ষা কর ।

নোয়া। প্রয়োজন ?

সেরি। তুমি আমার বন্দী ।

নোয়া। কি অপরাধে ?

সেরি। সত্ৰাট-নন্দিনী সে কৈফিয়ৎ তোমাকে দেবে না ; দিতে হয়
সত্ৰাটের কাছে দেবে,—কে আছিল ? (ছইজন খোজার প্রবেশ) বন্দী
কর— (জেরিণার প্রবেশ)

জেরিণা। খবরদার,—সেরিণা, এতদিন তুমি আমার যে শত্রুতা
ক'রে এসেছ, মনে ক'রলে তোমারই স্বধন্য হ'তো ঐ কারাগারে ।
আমি পরদেশী,—(নোয়াজেসের হাত ধরিয়া গ্রহণ)

[অতীতক দিরা খোজার প্রবেশ ।

(সানিয়ার প্রবেশ)

সেরি । তুই এসেছিস্ জগই হ'য়েছে, তোমাকেই আমি চাই ।
আমার মূঢ় বিশ্বাস, আমাদের উদ্দেশ্য কেউ গোপনে অবগত
হ'য়েছে ।

সানি । দুটো গোবেচারার প্রাণ গেছলো আর কি !

সেরি । সানি, একে আমি পদাহতা ভুজঙ্গিনীর স্তার মর্ষ যাতনার
অস্থির, তার উপর তুই ভাষার স্নীলতা নষ্ট ক'রুছিস্ ? পুনরার উপায়
উদ্ভাবন কর—অন্ত উপায় না হ'—হ'ত্যা । যে আমার প্রণয়ের প্রতি-
শন্ধিনী, তার মৃত্যুই শ্রেয়ঃ । অসহ—নিতান্ত অসহ !

সানি । যদি এতই অসহ হয়, তাহ'লে গভীর রাত্রে যখন ঘুমবে,
বুকে ছুরি বসিয়ে দিলেই হ'বে ।

সেরি । কে দেবে ?

সানি । এ কাজ বাইরের লোকের দ্বারা হবে না—যদি ভাষার
হিড়িকটা একটু বন্ধ ক'রে একটু মুখের ভালবাসা জানাতে পারো—
তাহ'লে মোবারিক তোমার জন্ত সব কর্তে পারে—আর যদি ধরা পড়ে,
সেই যাবে ।

সেরি । আমার জন্ত নিরীহ বেচারার প্রাণ যাবে ?

সানি । জ্বালাতনের হাত থেকে ত বাঁচবে—

সেরি । (চিন্তা করিয়া) ঠিক ব'লেছিস্ আবশ্যক হয়, আত্মরক্ষার
জন্ত তাকে ধরিয়ে দিতে হবে । একটু প্রেমের অভিনয় প্রয়োজন, কেমন ?

সানি । ই্যা তাহ'লে তাকে ডেকে আনি । আর যেতে হ'লনা, ঐ যে
তোমার প্রেমিক নাগর এই দিকেই আসছেন । আমি চল্লুম, তোমাদের
প্রেমের পথে আর বাধা হ'য়ে দাঁড়াবে না । [প্রস্থান ।

সাধি । (অন্তরালে) বেশ ষড়যন্ত্র চলছে দেখছি যে—ভাগ্যে এই-

দিকে এসেছিলুম—খোদা, তোমার অশেষ করুণা। আর একটু থাকি ।

(লুকারিত হওন)

(“সখুন্-মাব্-এ-আস্তিন্” পুনঃ পুনঃ আবৃত্তি করিতে করিতে
মোবারিকের প্রবেশ)

মোবা। সাজাদি, এইবার গাদা গাদা সাধুভাষা নাও—সে দিন সেটার উচ্চারণ ভুল হ’রেছিল—তাও ঠিক ক’রে নিরেছি। আর একটা নূতন শিখেছি। মার্জিত-ভাষার-দেশের একজন লোক পেয়েছি, সে আমার রোজ রোজ শেখাবে ব’লেছে, গাদা গাদা শিখবো—

সেরি। (স্বগত) অপদার্থ! (প্রকাশে) কি শিখেছ প্রিয়তম ?

মোবা। (স্বগত) বেঁচে থাকো দোস্ত—তবু এখনও বলিনি—শুনবে বিবি, শুনবে—কি শিখেছি শুনবে ?

সেরিণা। বল প্রিয়তম, আমি শোনবার জন্য অতীব উৎকণ্ঠিতা।

মোবা! (স্বগত) আবার উৎকণ্ঠাও হ’চ্ছে। বেঁচে থাকো দোস্ত, বেঁচে থাকো। ব’লবে ? না আর একটু দম দেবো ? আগে পুরোণটা বলি, না ছটোই বলি। (প্রকাশে) শোন বিবি, এই—জরে—বক্—
‘হা’রে নজ্জুম—অর্থাৎ তেটে কেটে গদী বিনা ধা।

সেরিণা। (স্বগত) অকালকুস্মাণ্ড। (প্রকাশে) আহা কর্ণে যেন মধুবুড়ি হ’ল।

মোবা। (স্বগত) বেঁচে থাকো বন্ধু। (প্রকাশে) এতো পুরাণো, নূতনটা শুনলে একেবারে মধুর নরিরার নাকানি ঢেঁকানি ! শোন বিবি, সখুন্-মাব্-এ-আস্তিন্ অর্থাৎ তাক খুয়া তাক কেমন ?

সেরি। (স্বগত) জাহান্নমে যাও। (প্রকাশে) সত্যই ওই প্রিয়তম ; আর শিখেও ?

মোবা। আর শিখিনি বটে, তবে গাদা গাদা শিখবো, সেকি এদেশের মানুষ ! (স্বগত) সেদিন যদি পান্‌সীখানা না ডুবতো, আর বিবি যদি থাকতো, তা হ'লে ত সেই দিনই পোরাবারো হ'ত ।

সেরি। আচ্ছা মোবারিক, তুমি আমার ভালবাস ?

মোবা। বাসি না ? অতি ভয়ঙ্কর ভালবাসি, ম'বুতে পারি বিবি, তোমার অন্তঃম'বুতে পারি ।

সেরি। সত্য, তাই পার ?

মোবা। দেখ—(কটিদেশ হইতে ছুরিকা বাহির করিয়া নিজ বক্ষে মারিতে উত্তত । সেরিগার বাধা দেওয়া)

সেরি। থাক—বুঝেছি ।

মোবা। ঠাড়াও বিবি তোমার পায়ের তলার একবার গড়াগড়ি দিট ।

সেরি। ছি ! প্রিয়তম, ওকি ক'র্ভে আছে ! তুমি যে আমার সর্বস্ব মোবারিক—

মোবা। অ—মেরা কলিজা !

সেরি। (স্বগত) নিতান্ত অসহ, কিন্তু কর্তব্য ! (প্রকাশ্যে) প্রিয়তম, একটা অসুযোগ রাখবে ?

মোবা। বল ?

সেরি। দেখ প্রিয়তম, এ রাজ্যের তুমি রাজা, আমি রানী । পিতার দেহ ভাঙ, কিন্তু জেরিগা আমাদের ঐশ্বর্যের অর্ধেকের অংশীদার । তোমাকে বঞ্চিত ক'রে তাকে অর্ধেক অংশ দিতে হবে, এই চিন্তা আমার বড় উদ্ভিন্ন ক'রেছে । আমার এ উদ্বেগ দূর ক'র্ভে পারো প্রিয়তম ?

মোবা। এ আর বেশী কথা কি, তোমার অসুযোগ পেলে, আমি আজই তাকে ছুরিকা থেকে সরাত্তে পারি ।

সেরি। তা যদি পার প্রিয়তম, তা হ'লে আর কি বলবো—

মোবা। আর কিছু বলতে হবে না বিবি, আমি আজই শেষ করোঁ।

সেরি। তা হ'লে আবার কখন দেখা হবে ?

মোবা। কাজ শেষ হ'লে। এখন আসি বিবি ! [প্রস্থান ।

সেরি। ঠিক হ'য়েছে, এ পার্কে । সানিয়া বড় বুদ্ধিমতী। এই যে

সানিয়া। (সানিয়ার প্রবেশ) সানিয়া, তোর বুদ্ধির প্রশংসা না ক'রে থাকতে পাচ্ছি না।

সানি। রাঙ্গী হ'য়েছে ত ?

সেরি। অতি সহজেই, এখন আর, হাতে অনেক কাজ।

সানি। তুমি চল, গফুরের সঙ্গে একবার দেখা ক'রে আমি এখন আস্চি। (সেরিয়ার প্রস্থান) গোফুরোকে হাত ক'রে নিজের মতলবটা হাসিল কর্তে হবে। ধরা পড়ে ছোঁড়া মর্কে—তখন দেখা যাবে। "ঐ যে আস্ছে—(গফুরের প্রবেশ) প্রিয়তম ! প্রিয়তম ! এতক্ষণ কোথায় ছিলে ? তোমাকে দেখতে না পেয়ে আমার প্রাণ যে এতক্ষণ কি কচ্ছিল, তা তোমাকে কি ক'রে বোঝাব নিষ্ঠুর ! (হস্তধারণ)

গফুর। (স্বগত) তাইতো, এ বলে কি ! দাওয়াইটা ত দেখাছ আচ্ছা কাঁঝালো ! শুধু ওকে মনে ক'রে হজুরের কাণ কামড়ালুম, তাইতেই এতটা গড়ালো ! যা'ক বাবা, কাজ ফতে। এখন সহজে ধরা দিচ্ছি না, একটু খেলিয়ে নিই, বেটা আমাকে কম নাকালটা ক'রেছে !

সানি। প্রিয়তম ! প্রিয়তম !—

গফুর। (মুখ ফিরাইয়া) এখন ঠাণ্ডা বোধ, এ্যাকিন খোসামোদ করিয়েছ—এখন খোসামোদ কর।

সানি। গফুর, প্রিয়তম ! আর নিষ্ঠুর হ'য়োনা—

গফুর। এ্যাকিন যে নাকের জলে চোখের জলে ক'রেছ চাঁদ !

সানি । প্রিয়তম । তুমি যে বলতে, তুমি আমার ভালবাসো ।

গফুর । তা'ত বাস্তব, এখনও বাসি,—কিন্তু তুমি কি আমার কন
যন্ত্রণাটা দিয়েছ !

সানি । সে সব কথা ভুলে যাও প্রিয়তম, আমার মার্জনা কর ।

গফুর । থাক, এর উপর আর কথা চলে না । বিবি সাহেব, এখন
আপোষে সব মিটমাট । এখন একখানা গান শোনাও—

সানি । তোমায় গান শোনাবো না ? আমি শোনাব, বাদীদের
ডেকে শোনাবো—

(সানিয়ার গীত

তোমায় শোনাবো বধু গান ।

তুমি এক কামড়ে মজায়েছ কেড়ে নিয়ে মন-প্রাণ ॥

ধরিব খান্নাজ কি' কি'ট রাগিনী, মুখ ব্যাদানিব যেমন বাখিনী ।

তিনের আড়িতে কাঁপাবো মেদিনী, হানিব নয়ন বাণ ॥

গফুর । মেরেছো বিবি মেরেছো—একেবারে দফা সেরেছ !

সানি । এখনি হ'য়েছে কি প্রিয়তম—এখনও বাদীদের গান বাকী ।
আচ্ছা প্রিয়তম, বাদীদের গান শোনবার আগে একটা অহুরোধ কর্তে
পারি কি ?

গফুর । অহুরোধ বল্চো কি বিবি, আদেশ বল—আর একটা কেন,
হুশো আদেশ কর—গোলাম হাজির ।

সানি । ছি, ও কথা বলতে নেই—প্রিয়তম, তোমার মত রক্ত লাভ
বোধ কর আমার নসীবে সহিবে না—

গফুর । কেন বিবি, কেন ?

সানি । আগে আমি তোমার চাইতুম না বটে, লাখি চাইতো—

এখনও সে চায়—সে গুণ জানে, এখন যদি সে গুণ ক'রে তোমার বশ করে, আমি জানে মারা যাবো ।

গফুর । আমি ত তাকে চাই না ।

সানি । গুণ ক'রলেই চাইতে হবে, এই আমার হাল দেখেই বোঝনা ; আগে কি আমি তোমার চাইতুম ?

গফুর । তা বটে, তা'হলে কি কর্তে বল ?

সানি । শত্রুর শেষ করাই ভাল, নইলে আমি তোমার পেয়ে হারাতে পারবোনা !

গফুর । বেশ কথা, আজই নাও, কাল সকালে শুন্বে, সাধি ছনিয়া থেকে স'রেছে ।

সাধি । (অন্তরাল হইতে) খোদার রাজস্ব যাহুয যা ম'নে করে, সব সময় তা হর না । [প্রস্থান ।

সানি । বড় বাধিত হলুম প্রিয়তম, আজ তোমার পেয়ে আমার যে, কি আনন্দ হচ্ছে, তা আর এক মুখে বলে উঠতে পাচ্ছিনে । ওরে ষ'দীরে, আজ আনন্দের দিনে জোরা কোথায় ? আর, নাচ, গা—আমোদ কর ।

(বাদীগণের প্রবেশ ও গীত)

ছটা হার দিল হামরা,—তেরে পিছে গিয়ারা ।

যেহে পিয়ারা হারে পিয়ারা ।

টাদিনী রাতিয়া ইরা উজল তরা,

সওয়ার তেরে সব হি আঁখেরা,

কলিআ কি রোশনী তুহি হো দিল পিয়ারা,

যেহে পিয়ারা হারে পিয়ারা

খামুশ রহনা এ বড়া মুঞ্চিল, ঘড়ি ঘড়ি ঘড়ি খড়কতা দিল,
গোরে ধরি, না মার কাটারি, টুটাও না দিল হামারা,—
মেরে পিয়ারা হারে পিয়ারা ।

ষষ্ঠ দৃশ্য ।

কক্ষ ।

জেরিণা নিদ্রিতা ।

জেরিণা । (নিদ্রাভঙ্গে) পরদেশী—পরদেশী, কৈ কেউত নেই, তবে
কি স্বপ্ন ! আজ আমার প্রাণটা এমন কক্ষে কেন ? গা'টা যেন কি একটা
আশঙ্কার ছম্ ছম্ ক'চ্ছে ! (সাথিয়ার প্রবেশ) সাথি, তুই এ সময়?

সাথি । আমি সন্ধ্যা থেকে তোমার খুঁজছি, জোর নসীব, হাই এ
সময় এখানে দেখতে পেলুম । সাজাদী, পালির এসো—

জেরি । কেন ?

সাথি । বড়বন্দ, তোমাকে আমাকে হত্যা করবার বড়বন্দ !

জেরি । কি বলছিস্ ?

সাথি । বলছি ঠিক । দেবী করনা, আমার সঙ্গে এসো ; এখনি
হাতে হাতে দেখতে পাবে—

জেরি । বুঝি সেরিণার বড়বন্দ !

সাথি । হ্যা, চলে এসো—

জেরি । কিন্তু তোকে হত্যা করবার উদ্দেশ্য

সাথি । উদ্দেশ্য আছে, এখন চল এস, সময়ে বলবো—

জেরি । না সাথি, অসম্ভব—

সাধি । সে দিন হাওরা খেতে যেতে দিইনি, গেলে কি হ'তো এখন বুঝতে পারছ তো ?

জেরি । তাও কি সম্ভব ?

সাধি । সম্ভব অসম্ভব এখনই হাতে হাতে দেখতে পাবে ; এসো—
চ'লে এসো—

জেরি । আমি সেরিগাকে মুখে শাসিয়েছিলুম বটে, কিছু করিনি ;
সে ক'ছে কেন ?

সাধি । তুমি যা চেয়েছিলে, তা পেয়েছ বা পাবে ; কিন্তু তার তা
পাবার আশাটুকুও নেই । সে জন্তে যা কিছু করবার আবশ্যক, তা
তোমার নেই,—তার আছে ।

জেরি । বটে—

সাধি । এসো,—চ'লে এসো— [উভয়ের প্রস্থান ।

(কিয়ৎক্ষণ পরে জেরিগার পোষাকে সজ্জিত একটি প্রতিমূর্তি

লইয়া সাধিয়ার পুনঃ প্রবেশ)

সাধি । জেরিগা বিবিকে একটা হাতে হাতে প্রমাণ না দিলে সে
কখনও বিশ্বাস করবে না । মোবারিক বা গফুরের মত ছ'জন কাণ্ডজ্ঞান
শূন্য উম্মাদের চক্ষে ধুলো দিতে বেশী মেহনৎ কর্তে হবে না । একটা
নিজের বিছানায় রেখে এসেছি, আর একটা সাজাদীর বিছানায় শুইয়ে
রাখি । (প্রতিমূর্তি পালকে রাখিয়া) এখন এই পাশের ঘরে গিয়ে
সাজাদীর কাছে বসে, মৃত্যুর আশা-পথ চেয়ে থাকি । [প্রস্থান ।

(ধীরে ধীরে মোবারিকের প্রবেশ)

মোবা । ঘোর অজকার ! গাটী কেমন ছম্ ছম্ করছে । যা কর্তে
এসেছি, নেহাত সোজা কাজ নয়, আর শুদিকে ভাবতে গেলে মদ্রাই-
মন্দিরী সেরিগাকে লাঠ করাও নেহাত সোজা নয় : ঐচ্ছিক জাহাঙ্গ

শেখা চাই—আবার এই রকম এক আখটা কাজও করা চাই। পা দুটো আবার এই সময় কাপ্তে শুরু ক'রলে ! যা থাকে নসীবে, এণ্ডই। বেশ ঘুমুচ্ছে, এই সুযোগে দিই বসিয়ে, দোর ? দূর ছাই, হাতটা আবার কাপছে, দিই বসিয়ে—(প্রতিমূর্তির বক্ষে ছুরিকাঘাত) আর ওদিকে তাকাবো না, ছুরিখানা থাক, তুলবো না, রক্তে দরিয়া হ'য়ে যাব, পানাই— [প্রস্থান।

(ধীরে ধীরে সেরিগার প্রবেশ)

সেরিগা। এই ত জেরিগার কক্ষ ! যেন মৃতের মত নিস্তক ! ঐ না জেরিগা শু'য়ে ? বক্ষে আমূল-বিদ্ধ ছুরিকা ! হা—হা—হা এইবার প্রতিমূর্তিনী, পরদেশী কার ?

(জেরিগার প্রবেশ)

জেরিগা। পরদেশী আমার ।

সেরিগা। সয়তানী, নয়তানী ! সানিয়া, সানিয়া [বেগে প্রস্থান ।

(সাখিয়ার প্রবেশ)

সাখিয়া। কি সাজাদী, এখন বিবাস হ'ল ?

জেরিগা। সাখিয়া, তোর ঋণ কখনও শুধতে পারবে না ।

সাখিয়া। তোমার মরণটা তো দেখলে, এখন আমার মরণটা দেখবে এসো ! [উভয়ের প্রস্থান ।

(ধীরে ধীরে সানিয়ার প্রবেশ)

সানিয়া। এই যে মোবারিক দিকি ছুরিখানা জেরিগাবিধির বৃকে আমূল বসিয়ে দিয়ে চ'লে গেছে, গোক'রো এখনো ফিরুলো না কেন ?

(প্রতিমূর্তির কাটা মুণ্ড লইয়া গফুরের প্রবেশ)

গফুর। এই যে বিবি, তুমি এতদূর এসেছ—এই দেখ, কাজ শেষ ক'রে এসেছি ।

সানিয়া । তুই আমার সত্যি ভালবাসিস্ গফুর,, দেখি মুণ্ডটা ?

(সাখিয়ার প্রবেশ)

সাখিয়া । আর দেখতে হবে না, ও আমারই মুণ্ড ! (কাটা মুণ্ড
লইয়া) সাজাদী, দেখবে এসো, আমার কাটামুণ্ড দেখবে এসো ।

সানি । এঁ্যা—একি ! অক্ক, কি ক'রেছিস্—এ যে মাটি !

গফুর । এঁ্যা ! সেকি বিবি তাহ'লে যে সব মাটি ! [সকলের প্রস্থান

(বাঁদীগণের প্রবেশ)

গীত ।

সব মাটি সব মাটি—

দেখ, হ'ল কেমন সব মাটি ।

জাল যতই বোন ঘামিরে মাথা, ঝাটবে না চালাকিটা ।

আশায় বোনা জাল, জাল ক'রলে নাজেহাল,

আপন জালে জড়িয়ে হ'ল বেন গুটীপোকাটা ।

ক'বুতে গিরে এক, হ'রে গেল আর,

ওলোট পালোট এমনি ধারা হ্যাপার ছনিয়ার,

যে বুঝতে জানে, বুঝে দেখে, খোদার নাড়া কলকাটা ।



তৃতীয় অঙ্ক ।

—

প্রথম দৃশ্য ।

শান্তি-নিকেতন ।

নোরাজেস ও জেরিগা ।

(বাদীগণের প্রবেশ ও গীত)

সুন্দর ধরণী, সুন্দর তটিনী, সুন্দর মলর বার ।

সুন্দর কমলে সুন্দর হাসি, সুন্দর বিহগ গায় ॥

সুন্দর কপোত কপোক্তি গাশে, সুখখানি চেরে প্রেম-স্নাবেশে,

চিত্রিত প্রজাপতি মধুর ঝরাল-গতি সুন্দরী চলে চলে সুন্দর গার

সুন্দর দামিনী সুন্দর জলাদলে, শিখি শিখিনী নাচে-সুখে তালে তালে,

সুন্দরে সুন্দরে মিলন সুন্দর, কেনা বল সুন্দর চার ॥

নোরা । জেরিগা, তোমার এ শান্তি-নিকেতন সত্যই ঐ নামের যোগ্য । তুমি জগতের সমস্ত সৌন্দর্যের জিল জিল ক'রে নিরে এই শান্তি-নিকেতন নির্মাণ করেছো । প্রকৃতিও তোমার কাছে হার মেনেছে ।

জেরি । এত সুন্দর শুধু তুমি আছ বলে, প্রতি পুষ্প হ'তে ভ্রমর গুজন, তরু শাখার পাতার কুমন, তোমার আদরমাখা প্রেমপূর্ণ সন্তানদের

প্রতিধ্বনি এনে দিচ্ছে। তাই এই শাস্তি-নিকেতন এত মধুর, এত তৃপ্তিকর, এত শাস্তিময় হ'য়েছে।

নোয়া। তোমরা নারীজাতি, ছোটকে এত বড় কর্তে পারো যে পুরুষকে বাধ্য হ'য়ে হার মানতেই হবে; কেন না যার সৌন্দর্যের কাছে সৌন্দর্যের রাণী প্রকৃতি সুন্দরী লজ্জার স্রিয়মানা, সে যদি জোর ক'রে আর এতজনে শ্রেষ্ঠ কর্তে চায়, তবে ব্যাকরণ মতে অতিশয়োক্তি অলঙ্কার এসে দাঁড়ায়।

জেরি। আপনার ব্যাকরণে ত খুব ব্যুৎপত্তি দেখছি।

নোয়া। হবে না? যার ভগ্নী ব্যাকরণসঙ্গত কথা ভিন্ন অন্য কথা কইতেই জানেন না, তাঁর কাছে থেকে যদি ব্যাকরণে ব্যুৎপত্তি না হয় ত হবে কোথায়?

জেরি। তর্কবাগীশকে তর্কে হারানো আমার কর্ম নয়। এখন ওসব কথা ছেড়ে দাও,—আচ্ছা ফয়নাশার কি আজও ভয় গেল না? বেশ লক্ষ্য ক'রে দেখেছি, ও সাথীকে আর ততটা ভয় করে না। তবে অন্য লোককে দেখলে ভয়ে তেরি কাঁপতে থাকে।

নোয়া। সাথীকে যে ভয় করে না, তার বোধ হয় একটু মানে আছে।

জেরি। আমারও তাই মনে হয়—একটু মানে আছে! ফয়নাশাকে আমার বেশ ভাল লাগে, সে যেমন ভীতু আবার তেমনি সরল; ঐ দেখনা আশুচে—যেন কত সশক্ত।

(ফয়নাশার প্রবেশ)

নোয়া। কি রে ফয়নাশা—এদিক ওদিক কি দেখছিস?

ফয়নাশা। যে রাত্রে আসতে এসেছেন হুজুর, এখানে আর নিশ্চিন্ত হ'য়ে পক্ষ চলবার ঘোড়া নেই। সমস্ত দিন আড়ালে আড়ালে একরকম

থাকি ভাল, সন্ধ্যার কোঁকে একটু বেরুই অগ্নি পড়বি ও পড় তারই সামনে ।

নোয়া । কার সামনে রে ?

ফয় । যাকে সব চেয়ে বেশী ভয় করি ।

নোয়া । সব চেয়ে বেশী ভয় করিস্ কাকে ফয়নাশা ?

ফয় । ঐ সানি মামদীকে, বাপ্ ! বেটার চেহারাখানা দেখলেই আমার আত্মারাম খাঁচাছাড়া !

জেরি । আর সাপিকে বুঝি মোটেই ভয় করিসনে ?

ফয় । ভয় আবার করিনে, করি, তবে অতটা নয় ।

জেরি । কেন ?

ফয় । বেটা কসম খেয়ে ব'লেছে, যে সে আমার উপর মেহেরবাণী ক'রে অহিংসা-ব্রত নিয়েছে ।

জেরি । হঠাৎ তোর উপর তার এতটা মেহেরবাণী কিসে হ'ল ?

ফয় । বোধ হয় আমার দুঃখ দেখে । এ মামদোগুপ্তীব মধ্যে দেখছি, ঐ বেটার মনটা একটু সরল ।

জেরি । তা হ'লে তার দিকে তোর একটু—

ফয় । (বাধা দিয়া) হজুর, আমি এখন চল্পম, একটু সাবধানে থাকবেন । ঐ সানি মামদী তার মনিবের সঙ্গে ফুস্ ফুস্ ক'রে কি ব'লছিলাম—আমায় দেখে খেমে গেল—তাদের মুখ দেখে মনে হ'ল, আবার কোন নূতন মতলব আঁটিছে । [ফয়নাশার প্রস্থান

জেরি । আবার নূতন মতলব ! না, আর সহ্য করো না, এতদিন তোমার অল্পরোধে কিছু করিনি । কালপ্রাতেই আমি সম্রাটের কাছে আবেদন ক'রো, বল—এবার আর আপত্তি করো না ?

নোয়া । কোন আপত্তি নেই । সত্য জেরিগা, মানুষে আর কত

সইতে পরে ? পাঁচবার বিপদে ফেলবার চেষ্টা কর্তে কর্তে একবার সত্যই বিপদে ফেলবে । তুমি সম্রাটকে নিজের অভিপ্রায় জানাও ভগ্নীর নামে অভিযোগ ক'রে তাকে বিপদে ফেল না ।

জেরি । (স্বগত) তুমি এত মহৎ ! (প্রকাশে) বেশ, যা ব'লুছো তাই ক'রো ।

নোয়া । বেশ ! এখন ভাবী কর্তব্য ভবিষ্যতের কোলে গচ্ছিত রেখে বর্তমানের সধ্যবহার কর,—তোমার বীণা-বিনিদিত মধুর কণ্ঠে একখানি গান শোনাও ।

জেরি ।• শুনলে যখন তুমি সুখী হও, তখন আর আমার শোনাতে আপত্তি কি ?

গীত ।

ওগো জীবন-মরণ সাথি ।

তোমারই কারণ হৃদয়-আসন দেখ হে রেখেছি পাতি ।

মম হৃদয়-গগন-রবি ওগো বাহিত,

মম পূর্ণ-প্রেম-বারিদি দেখ তোমা তরে সখা সঞ্চিত—

কর বঞ্জিত নব আলোকে, মাতাও হর্ব পুলকে—

(ওগো) ছড়ারে বিমল ভাতি ॥

(অনতিদূরে সোলেমান ও সেরিগার প্রবেশ)

সেরি । ঐ দেখুন পিতা, আমার অহুযোগ সত্য কি মিথ্যা—

নোয়া । জেরিগা—সম্রাট ।

জেরি । এঁা—(সোলেমান ও সেরিগা নিকটে আসিলেন)

সোলে । ব্যভিচারিণী, তোর এই কাজ ?

জেরি । পিতা ।

সোলে । চূপ কর, তোর মুখে এ সত্যকথা কনুতে আমার স্থণা সোধ

হচ্ছে। কে আছিল? (দুইজন রক্ষীর প্রবেশ) সরতানটাকে বন্দী
ক'রে কারাগারে নিক্ষেপ কর, কাল এর প্রাণদণ্ড হ'বে, ঘাতক দ্বারা
হত্যা করাই সরতানের দুষ্কৃতির যোগ্য দণ্ড ।

জেরি। পিতা, এঁর কোন অপরাধ নেই, অপরাধী আমি। বিনা
অপরাধে এঁকে দণ্ড দেবেন না—দণ্ড দিতে হ'র আমাকে দিন—

সোলে। চুপ কর সরতানী! বিচারের ভার সম্রাটের, তোর নয়।
যা' নিয়ে যা, আর সেরিণা, তোমার কলটা ভগ্নীকে হারামের খোজা
প্রহরী দিয়ে নজরবন্দী রেখো। [প্রস্থান।

জেরি। পোদা কি কর্লে!

নোরা। আক্ষেপ ক'রোনা জেরিণা, এ যৃত্য আমার স্বথমৃত্যু।

[এক দিক দিয়া রক্ষীসহ নোরাহেস ও অন্তর্দিক দিয়া

সেরিণা ও জেরিণার প্রস্থান।

দ্বিতীয় দৃশ্য ।

পথ ।

(বেগে ফরনাশার প্রবেশ)

ফরনাশা। ওরে বাবারে—গেছি, বেটা ধ'রে ফেলেছে—কেন এমন
বেমওয়াল বেরলুমরে! (পতন)

(সানিয়ার প্রবেশ)

সানিয়া। আ'মর মিনসে এখানে প'ড়ে! ফরনাশা ফরনাশা—

ফর। (স্বগত) চুপ ক'রে চোখ বুজে পড়ে থাকি বাবা, বেটা হাজার
ডাকুক, সাড়া দোবোনা, বেটা তা হ'লেই মনে করবে, হোঁচট খেয়ে প'ড়ে
য'রে গেছে।

মানি । করনাশা—করনাশা—আ-মর, সাড়াও নেই, শব্দও নেই, মিন্‌সে ম'লো নাকি !

ফর । (স্বগত) তাই মনে ক'রে স'রে পড় না বাবা—

মানি । (পরীক্ষা করিয়া) নিশ্চয় ত পড়ছে—এর কি মীরগীর ব্যামো আছে নাকি ? কিন্তু মীরগীতে ত হাত পা ছোড়ে—প্রথমটা চূপ ক'রে প'ড়ে থাকে বটে, কিন্তু—(করনাশা হাত পা ছুড়িতে লাগিল) ওমা হাত পাও ছুড়ছে যে ! তাহ'লে ত এ নিশ্চয়ই মীরগী ! আহা, বেচারী এল্লি ক'রে মবে যাবে—একটু জল এনে মুখে চোখে দিই । [প্রস্থান ।

ফর । (উঠিয়া) বাপ হাঁপ্ ছেড়ে বাঁচলুম । হুজুবের লঙ্কায় একটা দুঃসংবাদ শুনে, কথাটা সত্যি কি না সন্ধান নিতে এলুম, মাঝে থেকে এই বিপদ ! কিন্তু সন্ধানটা নিতেই হবে, যতটা পারবো, গা ঢাকা হ'য়ে চেষ্টা করবো । [প্রস্থান ।

(জল লইয়া মানিয়ার প্রবেশ)

মানি । ওমা ! মিন্‌সের ভিটুকিলেমী দেখ দিকি,—চোখে ধুণো দিবে স'রেছে ! একেই ত বলি রসিকতা—আর এই জন্তেই ত আমি ওকে চাই !

(সাখিয়ার প্রবেশ)

সাখিয়া । আর এই জন্তেই তোমার মুখে দেবো ছাই ।

মানি । কি তোর যত বড় মুখ তত বড় কথা । আমার সঙ্গে লাগতে এসেছিস্ ?

সাখি । কেন লাগবো না ? তোর ভয়ে নাকি ? তোর মনিবত একটিকে পেটে পুরেছেন । এটিকেও তোর আস্ত গেলবার ইচ্ছে নাকি ? সেটি হ'চ্ছে না—তোর চোখরান্ধানী কোন ছার, আমি বাদসাকেও ভয় করিনে—হু'সরতানীতে মিলে সাঙ্গাদীর এত বড় সর্বনাশটা ক'রেছিস্

ব'লে মনে করিসনে, সাধির কোন যোগ্যতা নেই ; দেখিস্, যে আগুন জ্বলেছিল্, সেই আগুনে তোদের জ্বালিয়ে পুড়িয়ে জাহান্নামে দোব !

সানি । ছোট মুখে বড় কথা শুনে হাসি পায় ।

বেঙে লাখি মারে যেন সাপের মাথায় ॥

হা—হা—হা—হা—হাসালি সাধি, হাসালি ! যার যত শক্তি, যার যত বিদ্যে-বুদ্ধি, তা এক আঁচরেই বোঝা গেছে । বলি এতই যদি যোগ্যতা ত মনিবকে আব মনিবের সেই তিনটিকে বাঁচা ।

সাধি । সে জনো তোর মাথাব্যথা কেন ? আমার যোগ্যতা থাকে, আমি বাঁচাবো, তোরা তো তোদের কাজ ক'রেছিল্ ।

সানি । বলি গুমোর ত ভেঙ্গেছে ।

গীত ।

সানি । বড় মট মট্টাচ্ছিলি যে, গুমোরে মট মট্টাচ্ছিলি যে ।

এখন ভাঙ্গলো গুমোর দেখলি চেয়ে গুগলি চোখ দিয়ে ॥

সাধি । আমার গুমোর তুই ভাঙ্গবি ? মিছে ডবডবানী তোর, হাতের পাঁচটা কেড়ে নিয়ে ক'রবো বাজী ভোর ;

খোতা মুখ হ'লে ভোতা, মরবি তখন আপশোষে ॥

সানি । মুখের কথায় ছকা পাঞ্জা হয় না খেলার বাজীতে,

তোর গোমরা মুখে ঝাড়ু মারি, দিক্ তোর কারুসাজীতে ।

সাধি । চালতা গালীর রূপের বড়াই কান্ত দাও গো রূপসী ;

চোখ আছে যার ব'লবে দেখে মানুষ কি মাম্দোর মাসী ;

সানি । দেখ না তবে ঝাড়ুর বহর, চুলোমুখী চোখ চেয়ে ।

সাধি । * এই ঝাড়ুর বহর সামলানা, দেখি তুই কেমন মেরে ॥

[উভয়ের প্রস্থান ।

(কয়নাশার প্রবেশ)

কয়। লেগে যাঁ—লেগে যা, মামদো-বংশ এমনি ক'রেই নির্বংশ হোক ! আমাদেরও হাডে একটু বাতাস লাগুক । যাই, এখন ছজুরের কি দশা হ'ল, দেখিগে ।

[প্রস্থান]

তৃতীয় দৃশ্য ।

কারাকক্ষ ।

নোয়াজেস ।

নোয়া । কি আশ্চর্য্য পরিবর্তন ! পাবস্ত-সন্ন্যাসী পুত্র সাজাদা নোয়াজেস মদ আজ এক ঘৃণ্য-অভিযোগে অভিযুক্ত হ'য়ে কারাগারে বন্দী ! কাল ঘাতকের হস্তে তার জঘন্যভাবে মৃত্যু ! কি সুন্দর পরিণাম ! এর জন্ত আর চিন্তা কেন ? নিজের জন্ত কোন চিন্তা নেই, শুধু একজনের ভাবনা ভাবতে প্রাণ বড় অস্থির হ'য়ে, উঠছে । সে আমার প্রাণ বাঁচিয়েছিল, আর আমি তার কিছু কর্তে পাল্লুম না ! এ সময় যদি তার একটা উপকার কর্তে পার্তুম ! জানি না, আমার জন্ত আজ তার কি নির্ঘাতন হ'চ্ছে ! না, অসহ—নিতান্ত অসহ !

(ধীরে ধীরে সেরিণার প্রবেশ)

নোয়া । এ কি ! এ যে রমণী ! এ গভীর নিশীথে কে তুমি রমণী ?

সেরিণা । আমার কি আবার নৃতন ক'রে পরিচয় দিতে হবে পরদেশী ?

নোয়া । কে, সাজাদী তুমি ? এখনও কি তোমার মনোবাসনা পূর্ণ হয় নি ? আবার কি অভিলাষে এলেছ সাজাদী ?

সেরি । পরদেশী, আমি তোমার অনিষ্ট চেষ্ঠায় আসিনি ।

নোয়া । তা জানি সাজাদী, বিনা দোষে ঘৃণা-অভিযোগে অভিযুক্ত করা যদি ইষ্টসাধন হয়, শুধু অভিযোগ কেন, মিথ্যা অভিযোগের ফলে মৃত্যু-দণ্ডে দণ্ডিত করান যদি মঙ্গল-কামনা হয়, তা'হলে সত্যই সাজাদী তুমি আমার পরম হিতাকাঙ্ক্ষী ফিরে যাও সাজাদী, তোমার হিত-ইচ্ছা একেবারে চরম সীমায় উঠেছে,—আব প্রয়োজন নেই ।

সেরি । সত্য পরদেশী, আমার বিশ্বাস কর ।

নোয়া । ববং কালফনীকে বিশ্বাস করা সম্ভব হ'তে পারে, কিন্তু তোমার মত প্রতিহিংসা-পবায়ণা নারী বিষধরী অপেক্ষাও ভয়ঙ্করী ! আর বিরক্ত ক'রোনা, যাও ।

সেরি । পরদেশী, এখনো অনুধাবন ক'রে দেখ, আমি ইচ্ছা করলে তোমায় মুক্তি দিতে পারি ।

নোয়া । আমার আর সে ইচ্ছা নেই সাজাদী । যদি একান্তই উপকার করবার সখ হ'য়ে থাকে, নিজের ভগ্নীকে অপমানের হাত থেকে মুক্ত কব !

সেরি । তুমি মুক্তি চাওনা ?

নোয়া । তোমার কাছে ?

সেরি । তাতে দোষ কি ?

নোয়া । যে বারাজনার মত রূপ-মূল্যে ভালবাসা কিনতে চায় ; তার কাছে মুক্তিলাভ ক'র্তে গেলে, একটা কিছু বিনিময় দিতে হয় ।

সেরি । তা যদি না দিতে হয় ?

নোয়া । তবুও নয় ।

সেরি । তুমি কি প্রাণের মমতা কর না ?

নোয়া । না ।

সেরি । পরদেশী—পরদেশী, আমার রক্ষা কর, বেশ আজ চিরউত্ত-

পরদেশী ।

৬৮

শির নত করে, তোমার সমীপে নতজানু হ'য়ে যাক্কা কচ্ছি, একবার করুণা-
নয়নে চাও পরদেশী ।

নোয়া । সয়তানী, আমার সম্মুখ হ'তে স'রে যাও, তোমার আগমনে
এ জঘন্য কারাগৃহও কলুয়িত হয় ।

সেরি । এত স্পর্ধা, তবে মর ।

[প্রস্থান ।

চতুর্থ দৃশ্য ।

অলিন্দ ।

(ফয়নাশার প্রবেশ)

ফয়নাশা । সানি আর সাখি দু'বেটীতে লেগেছে বেশ । লাগুক,
এততেও ত মামদোর গুণী হান্না হ'চ্ছে না । দু'টোতে এবার আমার যে
রকম টানাটানি আরম্ভ ক'রেছে—তাতে পৈত্রিক প্রাণটা প্রায় কণ্ঠাগত
হ'য়ে পড়েছে । একটা বুদ্ধি মাথায় এসেছে, একবার সেই মাম্দো
চাচাকে পেলে হয়, তা'হলেই ওরা ওদিকে লাগবে—আমি সেই অবকাশে
একবার হুকুরের উচ্চারের চেষ্টা দেখবো । ● এক একবার মনে হচ্ছে,
যদিয়া হই,—তা মনে হ'লে কি হবে—চোখ দুটো যে মূর্তি দেখে মাথাটাকে
গুলিয়ে দেয় । হা নসীব ! যদি একটু সাহস থাকতো ! এই যে সেই গুণধর
—এস দোস্ত, এসো ।

(গফুরের প্রবেশ)

গফুর । যাও দোস্ত, আমার ঘেরা ধ'রে গেছে ।

ফয় । ঘেরাই যদি ধ'রুলো, তবে আবার এদিক মাড়াকি কেন

গফুর । কি জান, একটা দরকারী কাজে এই দিকে যাচ্ছিলুম, ভাবলুম, তোমার সঙ্গে অনেক দিন দেখা শুনো হয়নি—

ফয় । আর তোমার সঙ্গে কেন, তার সঙ্গেই বলনা বন্ধু । আমরা মার্কিট-ভাষার-দেশের লোক, এসব ব্যাপারগুলো এক আঁচড়েই ধর্তে পারি ।

গফুর । তাহ'লে তুমি ঠিক ধ'রেছ—কিন্তু বন্ধু, আমি হাল ছেড়ে দিয়েছি, তবে মনকে বোঝাতে পারিনি, তাই মনে মনে সঙ্কল্প ক'রেছি, মাঝে মাঝে এক একবার এসে তাকে দেখে যাবো, এই আমার সাধনা ।

ফয় । তার চেয়ে এক কাজ কর না বন্ধু,—

গফুর । আর কিছু কর্তে প্রবৃত্তি নেই বন্ধু ! '

ফয় । আহা, কথাটাই শোন না, বেটী যেমন তোমায় এ্যাদিন তার পেছনে পেছনে ঘোরালে, তুমিও দিনকতক বেটীকে তোমার পেছনে পেছনে ঘোরাও ।

গফুর । তাতে লাভ ?

ফয় । লোকসানই বা কি ? বেটীকে জন্ম করাও হবে অথচ শোধ নেওয়া ও হবে—আমি হ'লে শোধ না নিয়ে ছাড়তুম না । এত ক'রে বশ ক'বলে তুমি, আর একটা কাজ কর্তে পারলে না ব'লে অগ্নি চ'টে গেল—এ কি রকম ভদ্রতা ! আমি ত বলি বেটী ছোটলোক । বেটীকে জন্ম করাই উচিত । তা' ছাড়া আর একটা হুঃখের কথা বলবো কি, এমন সোনার চাঁদ দোস্ত আমার, যে দোস্ত প্রাণ দিয়ে বেটীকে ভালবাসে, আমার তেমন দোস্তকে ছেড়ে বেটী আবার আমাকে চায় ? আমি অমন বেটীর মুখে গুণে বিশ পয়জার মারি । বন্ধু, তুমি বেটীকে জন্ম কর ।

গফুর বল কি দোস্ত, এত দূর ! দোস্ত, আমার মতলব ব'লে দাঁও আমি বেটীকে নিশ্চয়ই জন্ম করবো ।

ফয় । কিছুই নয়, খুব সাদা কাজ, এসো, তোমাতে আমাতে পোষাক বদল ক'রে ফেলি, তারপর যা কর্তে হবে তোমায় সব শিখিয়ে দেব, দেখ, আস্তানটাও বদলাতে হবে ।

গফুর । কিন্তু এ চেহারাখানা ?

ফয় । আঃ ব্যস্ত হচ্ছে কেন, এসোনা—সব বন্দোবস্ত করছি ।

..

[উভয়ের প্রস্থান ।

(সাখিয়ার প্রবেশ)

সাখিয়া । তাইত, ফয়নাশা কোথায় গেল ? এ যে দেখছি, শেষকালে আমার পাগল ক'রে তুলে । দেখতে দেখতে এ আমি হলুম কি ? ভালবাসার যে এত কস্মনী তা জাস্তম না । চব্বিশ ঘণ্টা নাকে দড়ি দিয়ে ঘোরাচ্ছে গা ?

গীত ।

আশিক্ মেরা কাহে সতায়ো করুতে হো মুঝে পরেশান্ ।

কেস্তা জমানা রোয়বো পিটবো জিন্দগী করু গুজ্‌রান্ ॥

চমকিলা হুনিয়া রোশনিভরা,

নরনকী রোশ্‌নি বিহু সঁাধেরা,

দিল্লীগী দিলকী, টুটানে দিলকো, দিল চুরানা কাহে মেরী জান ॥

[প্রস্থান ।

পঞ্চম দৃশ্য ।

কারা-ককে নোঁরাজেস্, ককধারে জেরিণা ও ঘাতক ।

অনতিদূরে সেরিণা দণ্ডায়মান ।

নোঁরা । জেরিণা, প্রিয়তমে ! আর পিতার অবাধ্য হ'রোনা, রাজদ্রোহিনী হ'রোনা, ঘাতককে তার কার্য কর্তে দাও ।

জেরিণা । যে পিতা কন্যার মমতা করে না, যে রাজা ন্যায়ের দণ্ড হাতে নিয়ে ন্যায় বিচার করেন না, সে পিতার অবাধ্য হ'লে পাপ হয় না ; সে রাজার আদেশ অমান্য ক'লে রাজদ্রোহিতা করা হয় না । পরদেশী, প্রিয়তম, আমার মার্জনা কর । আমি প্রাণ থাকতে দ্বার ত্যাগ কর্বোনা । ঘাতকের সাধ্য থাকে, আগে আমায় ব্লব করুক, তারপর কারাকক্ষে প্রবেশ করুক ।

নোয়া । জেরিণা, আমার জন্ত কেন অকারণ প্রাণ দিতে চাচ্ছ, দ্বার পরিত্যাগ কর, আমি অপরাধী, আমার শাস্তি হোক ।

জেরিণা । তুমি অপরাধী ! এখন' আমি মুক্তকণ্ঠে বল্চি, 'আবাব ; মরণের পরপারে লোকাস্তরে গিয়ে যদি সেখান থেকে বলবাব উপায় থাকে, তা, হ'লেও ব'লবো পরদেশী, অপরাধী তুমি নও—অপরাধী সেরিণা ।

সেরিণা । ঘাতক, তোমার কার্য কর, রাজদ্রোহিনী যদি স্বেচ্ছায় দ্বার পরিত্যাগ না করে, পদাঘাতে তাকে দূরে নিক্ষেপ কর ।

জেরিণা । সম্রাটনন্দিনি, একটা ছোটলোকের টুকরো এত বড় একটা শক্ত কাজের ভার দিলে, তার সাহসেই কুলোবে , , থাকে, ভারটা নিজেই নাও ।

সেরিণা । অবাধ্য নফর, এখনও দাঁড়িয়ে র'য়েছ, সম্রাটের আদেশ পালন কর—বন্দীকে হত্যা কর ।

ঘাতক । সাজাদী, দ্বার পরিত্যাগ করুন ।

জেরি । ধবরদার ! এগিও না ।

সেরি । সাজাদী, তুমি সাজাদীকে শোকার প্রয়োজন নেই, তোমার কার্য কর । না পারলে, আমি কোয়ার নামে অভিযোগ আনবো, তুমি রাজদ্রোহী, কোয়ার শাস্তি—মৃত্যু ।

ঘাতক । সাজাদী, আমি নতজানু হ'য়ে প্রার্থনা করছি, আমার কার্যে বাধা দেবেন না ।

জেরি । নইলে উপায় নেই । ঘাতক, আমার বধ না ক'রে এক পাও এগুতে পারবে না ।

সেরি । রাজদ্রোহী জন্মাদ—

ঘাতক । চোখ রাখাবেন না সাজাদী, আমি আপনার চোখরান্ধনী ভয় করি না । আমি রাজার নফর, রাজার আদেশ পালন করবো, সম্রাটের আদেশ—বন্দীকে হত্যা কর্তে, সাজাদীকে নয় । আমি তাঁর দ্বিতীয় আদেশের অপেক্ষা করবো ।

(সোলেমানের প্রবেশ)

সোলে । আর অপেক্ষা করতে হবে না ঘাতক, হত্যা কর । আমিই তোমার বাধা সরিয়ে দিচ্ছি ; জেরিণা, তোর মৃত্যুর পূর্বে তোর বিরুদ্ধে আরও কিছু অভিযোগ শুনতে হবে কি ? হয় হার পরিত্যাগ কর, নয় সোজা হ'য়ে দাঁড়া ।

জেরি । সম্রাট, আমি সোজা হ'য়েই দাঁড়িয়েছি ।

সোলে । মুখ ফিরিয়ে নে ।

জেরি । নিয়েছি সম্রাট ।

সোলে । এইবার তোর জীবনের শেষ মুহূর্ত্ত, একবার খোদাকে ডেকে নে ।

জেরি । (কিয়ৎক্ষণ যোড়হস্তে উর্দ্ধমুখী হইয়া) ডাকা শেষ হ'য়েছে সম্রাট !

সোলে । তবে মর—

(কক্ষের গরাদে ভাঙ্গিয়া রক্তাক্ত হস্তে নোৱাজেস বাহির হইয়া

বজ্রমুষ্টিতে সম্রাটের উগ্ৰত ভরবারী ধারণ করিলেন)

নোৱা । বন্দীর একটা প্রার্থনা সম্রাট, আগে আমার হত্যা করুন—

সেরি। (স্বগত) কি পবিত্র--কি স্বর্গীয় ভালবাসা ! হু'জনেই মরণের পথে দাঁড়িয়ে, অথচ কেউ কারও মৃত্যু দেখতে চায় না ! কপমূল্যে এই ভালবাসা কিনতে গিয়েছিলুম ! আমার হৃদয় প্রেমহীন মরু ! আমি ভালবাসতে জানিনি, ভালবাসতে পারিনি। শুধু একটা মোহের ঘোরে কাণ্ডজ্ঞানশূন্য হ'য়ে পাপের মাত্রা বৃদ্ধি ক'রেছি। ছোট হ'লেও জেরিণা আমার চেয়ে ঢের বড়। আমি প্রায়শ্চিত্ত কর্বে। (সম্রাটের নিকট নতজানু হইয়া) পিতা, সম্রাট ! এদের মার্জনা করুন, আমি মুক্তকণ্ঠে নিজ দোষ স্বীকার করছি। যে অপরাধে আজ এরা অভিযুক্ত, সে অপরাধে অপরাধী আমি। এরা সম্পূর্ণ নির্দোষী—যথার্থ দোষীকে শাস্তি দিন। পারস্যের সাজাদাব প্রতি অবিচার করবেন না ;

সোলে ! একি হেঁয়ালি সেরিণা। তোর কথা আমি কিছুই বুঝতে পাচ্ছিনে, পারস্যের সাজাদা কি ?

সেরি। এই দেখুন। (পদক প্রদর্শন) যখন নদী স্রোতে সাজাদা ভেসে আসেন, তখন এই পদক ওঁর অঙ্ক থেকে আমি হস্তগত করি। (জেরিণার প্রতি) জেরিণা, ভয়ি, তোমার রান্ধসী ভয়ীকে মার্জনা কর। (নোয়াজেসের প্রতি) পরদেশী, আমি রূপমদে মত্ত হ'য়ে যে পাপ ক'রেছি, সে পাপের প্রায়শ্চিত্ত নেই, আমার মার্জনা চাইবারও সাহস নেই, তুমি সর্তানীকে ক্ষমা করবে পরদেশী ?

সোলে। পারস্য-সম্রাট পুত্র ! আমার বন্ধুপুত্র ! কি সর্বনাশ কচ্ছিলুম—কি সর্বনাশ কচ্ছিলুম ! নোয়াজেস, বৎস, তোমার পিতৃবন্ধু বৃদ্ধকে মার্জনা কর ; সেরিণা হতভাগি কি কচ্ছিলি—কি কচ্ছিলি মার্জনা চা—মার্জনা চা। সোদর-প্রতিম নোয়াজেসের কাছে মার্জনা চা ! নোয়াজেস, তুমি রাজদ্রোহী নও, তবে তার চেয়ে আরও গুরুতর অপরাধ ক'রেছ। তোমার সেই গুরুতর অপরাধের আজ উপযুক্ত দণ্ড

দেবো, (নোয়াজেস্ ও জেরিগায় হাত ধরিয়া) নোয়াজেস্ তোমার এই অপরাধের শাস্তি ।

[প্রস্থান ।

সেরিগা ! (নতজানু হঠিয়া) সাজাদা নোয়াজেস্, আমায় মার্জনা কর—সব ভুলে যাও ।

নোয়া । নোয়াজেস্ কেন সেরিগা? আমি তোমার পরদেশী ভাই ।

সেরি । (মুক্তার হার খুলিয়া) এই নে ঘাতক, তোর তিরস্কারের এই পুবস্কার ।

ঘাতক । মা, আর পুবস্কারে কাজ নেই—আমার কাজে ঘেন্না ধ'বে গেছে ।

সেরিগা । নিয়ে যা, এ মায়ের অশীর্বাদ ।

[ঘাতকের প্রস্থান ।

(কয়নাশা-বেশী মুখাবৃত গফুরকে টানিতে টানিতে সানিয়া ও সাখিয়ার প্রবেশ)

সানি । সাজাদী, ও আমায় সাদী কর্বে ব'লে স্বীকার ক'রেছে, সাখি বাধা দিচ্ছে !

সাখি । সাজাদী, ও আমায় সাদী কর্বে ব'লে স্বীকার ক'রেছে সানি বাধা দিচ্ছে ।

গফুর । সাজাদী, আমি আইবড় থাকবো বলে মনস্থ ক'রেছি ।

সেরিগা । তোদের দেখছি, আমাদের দৃশ্য হ'য়েছে ।

নোয়া । দেখে শিখেছে বৈত নয় ।

জেরি । যাক্ ও সব কথা, এখন তোমরা খালিসী থেকে এদের গোল-মালটা ত মিটিয়ে দাও ।

সেরি । আমি বলি, পুরুষের ইচ্ছার উপর বিয়েটা হোক । কি বল পরদেশী ?

নোয়া । সেই ভাল ।

জেরি । কিন্তু আমাদের সামনে যা হ'য়ে যাবে, তার উপর আর কেউ কথা কইতে পাবে না । কি বলিস্ তোরা ?

সানি ও সাথী । আমাদেরও ঐ মত ।

গফুর । তবে আমি সানিকে বে কর্কা ।

জেরি । তাই কর, আচ্ছা তুই যে সাথীকে ভালবাসতিস্ ?

গফুর । একটু একটু বাসতুম বটে, কিন্তু এখন ওর উপর চ'টে গেছি—ও পরের হাত ধ'রে টানাটানি করে ।

সানি । (মুখের আবরণ উন্মোচন করিয়া) অ'মর এষে গোফ'রো

(গীত)

সানি । বা নসীব বা ।

গফুর । যার নসীবে যেমন ছিল মিলে গেছে তা ।

সানি । কালো ভালো নয়কো ব'লে খুঁজেছিহু সাদা ;
পোড়াকপাল পুড়ে গেল মিললো একটি গাধা ;

গফুর । গাধা হলেও প্রাণটি সাদা,
তোমার তরে প্রাণ দিতে তার নাই কোন বাধা ;

সানি । তাতো চ'খে দেখেছি, তবু পায়ে ঠেলেছি,

গফুর । এখন সে সব ভুলে পায়ে রেখ হ'য়ে গেছে যা ॥

সানি । পায়ে ঠেলা হৃদয় রতন, ছাড়বো না'ক ক'রব যতন,

(কল্যাণার প্রবেশ ও গীত)

ফয় । বল দোস্ত মতলবটা দিচ্ছি কেমন, বাহবা বা বা ॥

ফয় । বল দোস্ত, কেমন মতলব দিয়েছি ?

(একতারা লইয়া মোবারিকের প্রবেশ)

সেরি । একি মোবারিক, এ বেশ কেন ? কোথায় চলেছ ?

মোবা । আর ভাল লাগছে না, তাই ফকিরী নিয়ে মক্কা চলেছি ।
যাবার সময় একবার তোমার সঙ্গে দেখা কর্তে এলুম ।

সেরি । আর তোমার ফকিরীতে কাজ নেই মোবারিক, আমি আমাব মত বদলেছি, তোমার অমূল্য ভালবাসার প্রতিদান দেবো, তোমাকে সাদী কর্বো । ••

মোবা । সে কিন! সত্যি বলছো না আমার সঙ্গে ঠাট্টা কচ্ছে ?

সেরি । সত্যি বলছি মোবারিক, আমি তোমার ।

মোবা । কিন্তু আমি যে মনস্থ ক'রে বেরিয়েছি ।

সেরি । আর মনস্থ কর্তে হবে না মোবারিক, আমার মার্জ্জনা কর ।

মোবা । আর মার্জ্জিত ভাষা মুখস্থ ক'রতে হবে না ত ?

সেরি । না মোবারিক, আমার সে সখও মিটেছে, আমার নূতন চক্ষু খুলেছে । বুঝেছি, ব্যাকরণ মানুষকে মানুষ করে না,—শুধু হৃদয় মানুষকে মানুষ করে । এখন চল জেরিণা, প্রমোদ-উদ্গানে এ মিলন-আনন্দ উপভোগ করিগে ।

[ফয়নাশা ও সাখিয়া ব্যতীত সকলের প্রস্থান ।

সাখিয়া । এমন সাদীর হিড়িকে শুধু আমিই বুঝি আইবুড়ো থাকবো, তা হচ্ছে না, ফয়নাশা আমার সাদী কর্তে না চায়, আমি জোর ক'রে ওর গলার মালা দেবো ।

ফয়নাশা । ও বাবা, এ আবার কি ! শেষে গলার দড়ি ! ইয়ারে এই বুঝি জোর অহিংসা ব্রত !

(সাথিয়ার গীত)

আরে হারে বেইমান !

তবিরং যব্ মেরা আগিয়া তুবপর কাহেকো পাষণ ।

নজ্‌রামে কুর্বাণ কিয়া,

দিল্লিগী মে দিল লিয়া,

ষডি ষডি পল্ পল্ জল্ জল্ মবুনা থাক্‌মে মিলায়া জান ।

বানায়্য বাতে বহ্‌ং তুম্ মুঝকো দিউয়ানা সমব্‌ কর,

সতায়্য ছবমন এ্যায়না ইশক্‌ মেরা মুস্কুরা সমব্‌ কর,

শুঝায়্য শুঝ্‌তা নেহি, রোলায়া রোতি রহি,

যজ্‌মে হাসতে রহো আপনা ছিপাকর ।

হরষডি দুখিয়া ফুকারি সাথিয়া,

বেদরদীকে লিয়ে জান্‌ হায়রাণ ।

কর । (মাল্য গ্রহণ করিয়া) না—মানুষ হ'রে শেষে মামদী বিয়েটা
নসীবে ছিল দেখছি । এখন চল, ভাল ক'রে মস্তকটি চর্কণ করবে চলো ।

[উভয়ের প্রস্থান ।

উজ্জ্বল দৃশ্য ।

(বাদীগণের গীত)

আজ মাধবী সহকারে বেড়িল ।
গগনে হাসিল শশী, কাননে কুমুম হাসি,
সুগন্ধ সুষমারামি ছডায়ে দিল ॥
মধুর পঞ্চম সুরে, পাখী ডাকে শাখীপরে,
ভ্রমবী-ভ্রমরা স্মখে গুঞ্জরিল ॥
নববিকশিত কলি, হের ধয়ে এল অলি,
আবেশে বিভোরা ধনী ঢলে পড়িল ॥

—[যবনিকা,]—

B1140



